


前漢書

冊三



前漢書卷九十八

漢 蘭 臺 令 史班 固撰

唐正議大夫行秘書少監琅邪縣開國子顏師古注

元后傳第六十八

孝元皇后王莽之姑也莽自謂黃帝之後其自本曰

師古曰述其本系黃帝姓姚氏八世生虞舜舜起媯訥以媯

為姓師古曰媯水名也曲水曰訥言因水為姓也訥音而銳反○蕭該音義曰媯訥字書曰媯舜姓

也該案舜居媯水因以為姓至周武王封舜後媯滿於陳是為胡

公十三世生完完字敬仲犇齊師古曰犇古奔字齊桓公以

為卿姓田氏十一世田和有齊國三世稱王○宋祁曰舊本

二作至王建為秦所滅項羽起封建孫安為濟北王

至漢興安失國齊人謂之王家因以為氏文景間安

孫遂字伯紀處東平陵師古曰濟南之縣生賀字翁孺為武

帝繡衣御史逐捕魏郡羣盜堅盧等黨與及吏畏懦

逗遛當坐者師古曰懦音住又音豆翁孺皆縱不誅它部

御史暴勝之等奏殺二千石誅千石以下師古曰二千石者奏

而殺之其千石以下則得專誅及通行飲食坐連及者大部至斬萬

餘人語見酷吏傳翁孺以奉使不稱免師古曰不稱謂不副所委

嘆曰吾聞活千人有封子孫吾所活者萬餘人後世

其興乎翁孺既免而與東平陵終氏為怨迺徙魏郡

元城委粟里為三老魏郡人德之元城建公曰服虔曰元

城人年老者也昔春秋沙麓崩晉史卜之曰陰為陽雄土火

相乘李奇曰此龜繇文也陰元后也陽漢也王氏舜後土也漢火也故曰土火相乘陰盛而沙麓

故有沙麓崩後六百四十五年宜有聖女興其齊田

乎張晏曰陰數八八八六十四土數五故六百四十五歲也春秋僖十四年沙麓崩歲在乙亥至哀帝

元壽二年哀帝崩元后始攝政歲今王翁孺徙正直在庚申沙麓崩後六百四十五歲

其地

師古曰直亦當○宋注末當有也

日月當之元城郭東有五

鹿之虛即沙鹿地也

師古曰虛讀曰墟

後八十年當有貴女

興天下云

翁孺生禁字稚君少學法律長安為廷尉史本始三

年生女政君即元后也禁有大志不修廉隅好酒色

多取傍妻凡有四女八男長女君俠次即元后政君

次君力次君弟長男鳳孝卿次曼元卿譚子元

○宋祁曰

譚字上當有次字

崇少子商子夏立子叔根稚卿逢時季卿

唯鳳崇與元后政君同母母適妻魏郡李氏女也

古師

曰適讀曰嫡

後以妬去更嫁為河內苟賓妻初李親任政

君在身

師古曰任懷任夢月入其懷及壯大婉順得婦人道

嘗許嫁未行所許者死後東平王聘政君為姬未入

王薨禁獨怪之使卜數者相政君

師古曰數計也若言今之祿命書也

數音所當大貴不可言禁心以為然迺教書學鼓琴

五鳳中獻政君年十八矣入掖庭為家人子歲餘會

皇太子所愛幸司馬良娣病且死謂太子曰妾死非

天命迺諸娣妾良人更祝詛殺我音師古曰更太子憐

之且以為然及司馬良娣死太子悲恚發病忽忽不

樂因以過怒諸娣妾莫得進見者久之本○宋祁曰越

宣帝聞太子恨過諸娣妾欲順適其意迺令皇后擇

後宮家人子可以虞侍太子者師古曰此政君與在

其中讀曰豫及太子朝皇后迺見政君等五人微

令旁長御問知太子所欲太子殊無意於五人者不

得已於皇后師古曰恐不副皇彊應曰此中一人可

師古曰非其是時政君坐近太子又獨衣絳緣諸于

衣師古曰諸于大掖長御即以為是皇后使侍中杜輔

掖庭令濁賢交送政君太子宮師古曰濁姓也交送

使見丙殿得御幸有身先是者太子後宮娣妾以十

數御幸久者七八年莫有子及王妃壹幸而有身廿

露三年生成帝於甲館畫堂為世適皇孫師古曰適

宣帝愛之自名曰驚字太孫常置左右後三年宣帝

崩太子即位是為孝元帝立太孫為太子以母王妃

為婕妤封父禁為陽平侯後三日婕妤立為皇后禁

位特進禁弟弘至長樂衛尉永光二年禁薨諡曰頃

侯長子鳳嗣侯為衛尉侍中皇后自有子後希復進

見太子壯大寬博恭慎語在成紀其後幸酒樂燕樂

師古曰幸酒好酒也樂宴樂元帝不以為能而傳昭

儀有寵於上生定陶共王王多材藝上甚愛之坐則

側席行則同輦師古曰側席謂附近御坐常有欲廢太子而立

共王時鳳在位與皇后太子同心憂懼賴侍中史丹

擁右太子師古曰右音佑助也語在丹傳上亦以皇后素謹慎

而太子先帝所常留意故得不廢元帝崩太子立是

為孝成帝尊皇后為皇太后以鳳為大司馬大將軍

領尚書事益封五千戶王氏之興自鳳始又封太后

同母弟崇為安成侯食邑萬戶鳳庶弟譚等皆賜爵

關內侯食邑其夏黃霧四塞終日師古曰塞滿也言四方皆滿天

子以問諫大夫楊興博士駟勝等對皆以為陰盛侵

陽之氣也高祖之約也非功臣不侯今太后諸弟皆

以無功為侯非高祖之約外戚未曾有也故天為見

異言事者多以為然鳳於是懼上書辭謝曰陛下即

位思慕諒闇師古曰商書云高宗諒闇諒信也闇也故

詔臣鳳典領尚書事上無以明聖德下無以益政治

今有萑星天地赤黃之異師古曰萑谷在臣鳳當伏

顯戮以謝天下今諒闇已畢大義皆舉宜躬親萬機

以承天心因乞骸骨辭職上報曰朕承先帝聖緒涉

道未深不明事情是以陰陽錯繆日月無光赤黃之

氣充塞天下咎在朕躬今大將軍迺引過自予欲上

尚書事歸大將軍印綬罷大司馬官是明朕之不德

也朕委將軍以事誠欲庶幾有成顯先祖之功德將

軍其專心固意輔朕之不逮毋有所疑後五年諸吏

散騎安成侯崇薨諡曰共侯有遺腹子奉世嗣侯太

后甚哀之明年河平二年上悉封舅譚爲平阿侯商

成都侯立紅陽侯根曲陽侯逢時高平侯五人同日

封故世謂之五侯太后同產唯曼蚤卒張晏曰同父

必同母也上言餘畢侯矣太后母李親苟氏妻生一

唯鳳崇同母也

男名參寡居頃侯禁在時太后令禁還李親師古曰召還王

氏太后憐參欲以田蚡為比而封之李奇曰田蚡與孝景王后同母

異父得封故也師古曰此例也音必寐反上曰封田氏非正也以參為侍

中水衡都尉王氏子弟皆卿大夫侍中諸曹分據執

官滿朝廷大將軍鳳用事上遂謙讓無所顯師古曰顯與專

同凡事皆不自專也左右常薦光祿大夫劉向少子歆通達有

異材宋祁曰舊本異字上有奇字考異無故削之今越本亦無上召見歆誦讀

詩賦甚說之師古曰悅欲以為中常侍召取衣冠臨

當拜左右皆曰未曉大將軍師古曰曉猶白上曰此小事何

須關大將軍左右叩頭爭之上於是語鳳鳳以為不

可迺止其見憚如此上即位數年無繼嗣體常不平

師古曰言多疾疾定陶共王來朝太后與上承先帝意遇共

王甚厚賞賜十倍於它王不以往事為纖介師古曰往事謂

也先帝時欲以代太子共王之來朝也天子留不遣歸

國上謂共王我未有子人命不諱師古曰人命無常不可諱○宋祁曰

注曰字下當有言一朝有它且不復相見師古曰它謂晏駕也

爾長留侍我矣其後天子疾益有瘳共王因留國邸

旦夕侍上上甚親重大將軍鳳心不便共王在京師

會日蝕鳳因言日蝕陰盛之象為非常異定陶王雖

親於禮當奉藩在國今留侍京師詭正非常師古曰詭違也

故天見戒宜遣王之國上不得已於鳳而許之師古曰

迫於鳳共王辭去上與相對涕泣而決京兆尹王章

素剛直敢言以為鳳建遣共王之國非是師古曰建立其議也

迺奏封事言日蝕之咎矣天子召見章延問以事章

對曰天道聰明佑善而災惡以瑞異為符效今陛下

以未有繼嗣引近定陶王師古曰近音巨斬反所以承宗廟重

社稷上順天心下安百姓此正義善事當有祥瑞何

故致災異災異之發為大臣顓政者也今聞大將軍

猥歸日蝕之咎於定陶王顓古曰猥猶曲也建遣之國苟欲

使天子孤立於上顓擅朝事以便其私非忠臣也且

日蝕陰侵陽臣顓君之咎今政事大小皆自鳳出天

子曾不壹舉手鳳不內省責○宋祁曰省字上當有自字反歸咎

善人推遠定陶王顓古曰遠音于萬反且鳳誣罔不忠非一事

也前丞相樂昌侯商顓古曰王商也本以先帝外屬內行篤

有威重位歷將相國家柱石臣也其人守正不肯誑

節隨鳳委曲卒用閨門之事為鳳所罷身以憂死衆

庶愍之又鳳知其小婦弟張美人已嘗適人顓古曰小婦妾

也第謂女第即妹也於禮不宜配御至尊託以為宜子內之後

宮苟以私其妻弟聞張美人未嘗任身就館也顓古曰是

則不為宜子也且羌胡尚殺首子以盪腸正世師古曰盪

鳳所言非實洗滌也言婦初來所生之子况於天子而近已出之或它姓○宋祁曰賜當作腹

女也此三者皆大事陛下所自見足以知其餘及它

所不見者師古曰以所見者譬鳳不可令久典事宜

退使就第選忠賢以代之自鳳之白罷商後遣定陶

王也上不能平及聞章言天子感寤納之謂章曰微

京兆尹直言吾不聞社稷計師古曰且唯賢知賢君

試為朕求可以自輔者於是章奏封事薦中山孝王

舅琅邪太守馮野王先帝時歷二卿忠信質直知謀

有餘野王以王舅出以賢復入明聖主樂進賢也上

自為太子時數聞野王先帝名卿聲譽出鳳遠甚方

倚欲以代鳳初章每召見上輒辟左右師古曰辟時

太后從弟長樂衛尉弘子侍中音師古曰弘者太后

前漢書卷九十八列傳六一中華書局聚

第獨側聽具知章言以語鳳鳳聞之稱病出就第上

疏乞骸骨謝上曰臣材駑愚戇得以外屬兄弟七人

封為列侯宗族蒙恩賞賜無量輔政出入七年國家

委任臣鳳所言輒聽薦士常用無一功善陰陽不調

災異數見咎在臣鳳奉職無狀此臣一當退也五經

傳記師所誦說咸以日蝕之咎在於大臣非其人易

曰折其右肱師古曰豐卦九三交辭也肱臂也此臣二當退也河平

以來臣久病連年數出在外曠職素餐此臣三當退

也師古曰空廢職任徒受祿秩也陛下以皇太后故不忍誅廢臣猶

自知當遠流放又重自念師古曰重音直用反兄弟宗族所蒙

不測當殺身靡骨死輦轂下師古曰靡碎也音武皮反不當以無

益之故有離寢門之心誠歲餘以來所苦加侵師古曰誠

也實也日月益甚○宋祁曰越本月作日不勝大願願乞骸骨歸自

治養冀賴陛下神靈未埋髮齒暮月之間幸得瘳愈

復望帷幄不然必寘溝壑臣以非材見私天下知臣

受恩深也以病得全骸骨歸天下知臣被恩見哀重

巍巍也師古曰巍巍高貌重音直用反進退於國為厚萬無纖介之

議師古曰論者不云疏斥外戚也唯陛下哀憐其辭指甚哀太后聞

之為垂涕不御食上少而親倚鳳弗忍廢迺報鳳曰

朕秉事不明政事多闕故天變婁臻咸在朕躬師古曰婁

古屢將軍迺深引過自予欲乞骸骨而退則朕將何

嚮焉書不云乎公毋困我師古曰周書洛誥載成王告周公辭也言公必須留

京師毋得遠去而令我困務專精神安心自持期於亟瘳稱朕意

焉師古曰亟也於是鳳起視事上使尚書劾奏章知野

王前以王舅出補吏而私薦之欲令在朝阿附諸侯

又知張美人體御至尊而妄稱引羌胡殺子蕩腸非

所宜言遂下章吏廷尉致其大逆罪以為比上夷狄

欲絕繼嗣之端背畔天子私為定陶王章死獄中妻

子徙合浦自是公卿見鳳側目而視郡國守相刺史

皆出其門師古曰言為其家又以待中太僕音為御

史大夫列於三公而五侯羣弟爭為奢侈賂遺珍寶

四面而至後庭姬妾各數十人僮奴以千百數羅鐘

磬舞鄭女作倡優狗馬馳逐大治第室起土山漸臺

洞門高廊閣道連屬彌望師古曰彌竟也言望之百

姓歌之曰五侯初起曲陽最怒○宋祁曰怒音壞決

高都連竟外杜在長安西也孟康曰杜鄠二縣高都水

田畝一金言其境自長安至杜陵也李奇曰長安有

高都水杜里既壞決高都作殿復衍及外杜里師古

雖大成都侯商自擅穿帝城引水耳曲陽無此事又
山漸臺西白虎師古曰浙本西字下有象字○其奢

後如此然皆通敏人事好士養賢傾財施予以相高

尚鳳輔政凡十一歲陽朔三年秋鳳病天子數自臨

問親執其手涕泣曰將軍病如有不可言乎阿侯譚

次將軍矣師古曰不可言謂死也不欲斥言之鳳頓首泣曰譚等雖與

臣至親行皆奢僭無以率導百姓不如御史大夫音

謹敕師古曰敕整也臣敢以死保之及鳳且死上疏謝上復

固薦音自代言譚等五人必不可用天子然之初譚

倨不肯事鳳師古曰倨慢也音據而音敬鳳卑恭如子故薦之

鳳薨天子臨弔贈寵送以輕車介士軍陳自長安至

渭陵諡曰敬成侯子襄嗣侯為衛尉御史大夫音竟

代鳳為大司馬車騎將軍而平阿侯譚位特進領城

門外谷永說譚令讓不受城門職由是與音不平語

在永傳音既以從舅越親用事小心親職歲餘上下

詔曰車騎將軍音宿衛忠正勤勞國家前為御史大

夫以外親宜典兵馬入為將軍不獲宰相之封朕甚

慊焉其封音為安陽侯食邑與五侯等俱三千戶初

成都侯商嘗病欲避暑從上借明光宮師古曰黃圖云明光宮在

城內近桂宮也後又穿長安城引內灋水注第中大陂以行

船立羽蓋張周帷輯濯越歌師古曰輯與濯同濯與

吳越之人呼為越歌也輯謂權之短者也今上幸商第

見穿城引水意恨內銜之未言後微行出過曲陽侯

第又見園中土山漸臺似類白虎殿師古曰黃圖於

是上怒以讓車騎將軍音商根兄弟欲自黥劓謝太

后上聞之大怒迺使尚書責問司隸校尉京兆尹知

成都侯商擅穿帝城決引灋水曲陽侯根驕奢僭上

赤墀青瑣孟康曰以青畫戶邊鏤中天子制也如淳曰門楣格再重如人衣領再重裏者青名

曰青瑣天子門制也師古曰孟說是紅陽侯立父子青瑣者刻為連瑣文而以青塗之也

臧匿姦猾亡命賓客為羣盜司隸京兆皆阿縱不舉

奏正法二人頓首省戶下又賜車騎將軍音策書曰

外家何甘樂禍敗師古曰言此罪過並身自為之而欲自黥劓相戮

辱於太后前傷慈母之心以危亂國外家宗族疆上

一身寢弱日久寢漸也今將一施之師古曰君其召

諸侯令待府舍師古曰令摠集音是日詔尚書奏文

帝時誅將軍薄昭故事車騎將軍音籍稟請罪師古

坐稟上言就刑戮也商立根皆負斧質謝上不忍誅然後得已

久之平阿侯譚薨諡曰安侯子仁嗣侯太后憐弟曼

蚤死獨不封曼寡婦渠供養東宮子莽幼孤不及等

比師古曰比音必寢反○常以為語平阿侯譚成都

侯商及在位多稱莽者久之上復下詔追封曼為新

都哀侯而子莽嗣爵爲新都侯後又封太后姊子淳于長爲定陵侯王氏親屬侯者凡十人上悔廢平阿侯譚不輔政而薨也迺復進成都侯商以特進領城門兵置幕府得舉吏如將軍杜鄴說車騎將軍音令親附商語在鄴傳王氏爵位曰盛唯音爲修整數諫正有忠節輔政八年薨弔贈如大將軍諡曰敬侯子舜嗣侯爲太僕侍中特進成都侯商代音爲大司馬衛將軍而紅陽侯立位特進領城門兵商輔政四歲病乞骸骨天子閔之更以爲大將軍益封二千戶賜錢百萬商薨弔贈如大將軍故事諡曰景成侯子况嗣侯紅陽侯立次當輔政有罪過語在孫寶傳上迺廢立而用光祿勳曲陽侯根爲大司馬票騎將軍歲餘益封千七百戶高平侯逢時無材能名稱是歲薨

謚曰戴侯子買之嗣侯綏和元年上卽位二十餘年
無繼嗣而定陶共王已薨子嗣立爲王王祖母定陶
傅太后重賂遺票騎將軍根爲王求漢嗣根爲言上
亦欲立之遂徵定陶王爲太子時根輔政五歲矣乞
骸骨上迺益封根五千戶賜安車駟馬黃金五百斤
罷就第先是定陵侯淳于長以外屬能謀議爲衛尉
侍中在輔政之次是歲新都侯莽告長伏罪與紅陽
侯立相連師古曰伏罪謂舊
罪陰伏未發者也長下獄死立就國語在
長傳故曲陽侯根薦莽以自代上亦以爲莽有忠節
遂擢莽從侍中騎都尉光祿大夫爲大司馬歲餘成
帝崩哀帝卽位太后詔莽就第避帝外家哀帝初優
莽不聽莽上書固乞骸骨而退上迺下詔曰曲陽侯
根前在位建社稷策侍中太僕安陽侯舜往時護太

子家導朕忠誠專壹有舊恩新都侯莽憂勞國家執

義堅固庶幾與為治太皇太后○宋祁曰越本無太皇字詔休就

第朕甚閔焉其益封根二千戶舜五百戶莽三百五

十戶以莽為特進朝朔望又還紅陽侯立京師哀帝

少而聞知王氏驕盛心不能善以初立故優之後月

餘司隸校尉解光奏曲陽侯根宗重身尊三世據權

五將秉政天下輻湊自效○師古曰效獻也獻其欵誠○宋祁曰浙本注文獻並

作致根行貪邪臧累鉅萬縱橫恣意○師古曰橫音胡孟反大治室

第第中起土山立兩市殿上赤墀戶青瑣遊觀射獵

使奴從者被甲持弓弩陳為步兵止宿離宮水衡共

張○師古曰共音居用反張音竹亮反發民治道百姓苦其役內懷姦

邪欲筦朝政○師古曰筦與管同推親近吏主簿張業以為尚

書蔽上壅下內塞王路外交藩臣驕奢僭上壞亂制

度案根骨肉至親社稷大臣

師古曰至親謂於成帝為舅

先帝棄

天下根不悲哀思慕山陵未成公聘取故掖庭女樂

五官殷嚴王飛君等

如淳曰五官官名也外官視三百石

置酒歌

舞捐忘先帝厚恩背臣子義及根兄子成都侯况幸

得以外親繼父為列侯侍中不思報厚恩亦聘取故

掖庭貴人以為妻皆無人臣禮大不敬不道於是天

子曰先帝遇根况父子至厚也今迺背忘恩義以根

嘗建社稷之策

師古曰謂立哀帝為嗣也

遣就國免况為庶人歸

故郡根及况父商所薦舉為官者皆罷後二歲傅太

后帝母丁姬皆稱尊號有司奏新都侯莽前為大司

馬貶抑尊號之議虧損孝道及平阿侯仁臧匿趙昭

儀親屬皆就國天下多冤王氏諫大夫楊宣上封事

言孝成皇帝深惟宗廟之重稱述陛下至德以承天

序聖策深遠恩德至厚惟念先帝之意豈不欲以陛

下自代奉承東宮哉

師古曰言供養太后

太皇太后春秋七十

數更憂傷

師古曰更經也音工衡反

敕令親屬引領以避丁傅

師古

曰引領自引首領而退也行道之人爲之隕涕况於陛下時登高

遠望獨不慚於延陵乎哀帝深感其言復封商中子

邑爲成都侯元壽元年日蝕賢良對策多訟新都侯

莽者上於是徵莽及平阿侯仁還京師侍太后曲陽

侯根薨國除明年哀帝崩無子太皇太后以莽爲大

司馬與共徵立中山王奉哀帝後是爲平帝帝九歲

常年被疾太后臨朝委政於莽莽顯威福紅陽侯立

莽諸父平阿侯仁素剛直莽內憚之令大臣以罪過

奏遣立仁就國莽日誑耀太后言輔政致太平羣臣

奏請尊莽爲安漢公後遂遣使者迫守立仁令自殺

賜立諡曰荒侯子柱嗣仁諡曰刺侯子術嗣是歲元
始三年也明年莽風羣臣奏立莽女為皇后師古曰風讀曰

諷又奏尊莽為宰衡莽母及兩子皆封為列侯語在

莽傳莽既外壹羣臣令稱己功德又內媚事旁側長

御以下賂遺以千萬數白尊太后姊妹君俠為廣恩

君君力為廣惠君君弟為廣施君皆食湯沐邑日夜

共譽莽莽又知太后婦人厭居深宮中莽欲虞樂以

市其權張晏曰以遊觀之樂易其權若市迺令太后

四時車駕巡狩四郊師古曰邑外謂之郊近二十里

劉奉世曰言郊不必二十存見孤寡貞婦春幸繭館

師古曰漢宮閣疏云上林率皇后列侯夫人桑遵霸

水而祓除師古曰桑採桑也夏遊籓宿鄂杜之間師古曰

川師古曰是也宋祁曰御宿秋歷東館望昆明

前漢書卷九十八列傳十一中華書局聚

集黃山宮冬饗飲飛羽

師古曰黃山宮在槐里飛羽殿在未央宮中羽字或作兩

校獵上蘭

師古曰上蘭觀名也在上林中

登長平館

師古曰在臨涇長平坂也

水而覽焉太后所至屬縣輒施恩惠賜民錢帛牛酒

歲以為常太后從容言曰

師古曰從音千容反

我始入太子家

時見於丙殿至今五六十歲尚頗識之

師古曰識記也音式志反

莽因曰太子宮幸近可壹往遊觀不足以為勞於是

太后幸太子宮甚說

師古曰說讀曰悅

太后旁弄兒病在外

舍

服虔曰言婢侍史生兒取以作弄兒也

莽自親候之其欲得太后意

如此平帝崩無子莽徵宣帝玄孫選最少者廣戚侯

子劉嬰年二歲託以卜相為最吉迺風公卿奏請立

嬰為孺子

師古曰調讀曰調

令宰衡安漢公莽踐阼居攝如

周公傅成王故事太后不以為可力不能禁於是莽

遂為攝皇帝改元稱制焉俄而宗室安眾侯劉崇及

東郡太守翟義等惡之更舉兵欲誅莽師古曰更太

后聞之曰人心不相遠也師古曰言我雖婦人亦知

莽必以是自危不可其後莽遂以符命自立為真皇

帝先奉諸符瑞以白太后太后大驚初漢高祖入咸

陽至霸上秦王子嬰降於軹道奉上始皇璽及高祖

誅項籍即天子位因御服其璽世世傳受號曰漢傳

國璽以孺子未立○宋祁曰別本作未璽臧長樂宮

及莽即位請璽太后不肯授莽莽使安陽侯舜諭指

舜素謹敕太后雅愛信之舜既見太后知其為莽求

璽怒罵之曰而屬父子宗族蒙漢家力富貴累世師古

汝也既無以報受人孤寄乘便利時奪取其國師古

寄託以孤不復顧恩義人如此者狗豬不食其餘師古

惡賤天下豈有而兄弟邪且若自以金匱符命為新

皇帝師古曰變更正朔服制亦當自更作璽傳之萬

世何用此亡國不祥璽為而欲求之我漢家老寡婦

曰暮且死欲與此璽俱葬終不可得太后因涕泣而

言旁側長御以下皆垂涕舜亦悲不能自止良久迺

仰謂太后臣等已無可言者師古曰言葬必欲得傳

國璽太后寧能終不與邪太后聞舜語切恐葬欲脅

之迺出漢傳國璽投之地以授舜曰我老已死知而

兄弟今滅族也宋祁曰知而越本

奏之莽大說師古曰說迺為太后置酒未央宮漸臺

大縱眾樂莽又欲改太后漢家舊號易其璽綬恐不

見聽而莽疎屬王諫欲詔莽上書言皇天廢去漢而

命立新室太皇太后不宜稱尊號當隨漢廢以奉天

命莽迺車駕至東宮親以其書白太后太后曰此言

是也師古曰恚莽因曰此諄德之臣也師古曰諄乘也音布內反

罪當誅於是冠軍張永獻符命銅璧文言太皇太后

當為新室文母太皇太后服虔曰銅璧如璧形以銅為之也劉奉世曰當云

新室文母莽迺下詔曰予視羣公咸曰休哉師古曰

示休也其文字非刻非畫厥性自然予伏念皇天命予

為子更命太皇太后為新室文母太皇太后協于新

室宋祁曰熙寧監本作協于新淳化本作新室故交代之際信于漢氏哀

帝之代世傳行詔籌為西王母共具之祥師古曰共音居用反

當為歷代為母昭然著明予祇畏天命敢不欽承謹

以令月吉日親率羣公諸侯卿士奉上皇太后璽紱

以當順天心光于四海焉師古曰此紱謂璽之組也太后聽許莽

於是鳩殺王諫而封張永為貢符子初莽為安漢公

時又詔太后奏尊元帝廟為高宗太后晏駕後當以

禮配食云及莽改號太后為新室文母絕之於漢不

令得體元帝墮壞孝元廟師古曰墮毀也音火規反更為文母太

后起廟獨置孝元廟故殿以為文母孟康曰纂音撰食堂

以太后好出遊觀迺車駕置酒長壽宮請太后既至

見孝元廟廢徹塗地太后驚泣曰此漢家宗廟皆有

神靈與何治而壞之師古曰與音預言此何罪於汝無所干預何為毀壞之且

使鬼神無知又何用廟為如令有知我迺人之妃妾

豈宜辱帝之堂以陳饋食哉私謂左右曰此人嫚神

多矣能久得祐乎飲酒不樂而罷自莽篡位後知太

后怨恨求所以媚太后無不為然愈不說師古曰說讀曰悅

莽更漢家黑貂著黃貂孟康曰侍中所著貂也莽更漢制也師古曰更亦改又

改漢正朔伏臘日太后令其官屬黑貂至漢家正臘

改漢正朔伏臘日太后令其官屬黑貂至漢家正臘

日獨與其左右相對飲酒食太后年八十四建國五年二月癸丑崩三月乙酉合葬渭陵莽詔大夫揚雄作誄曰太陰之精沙麓之靈作合於漢配元生成著其協於元城沙麓太陰精者謂夢月也太后崩後十年漢兵誅莽初紅陽侯立就國南陽與諸劉結恩立少子丹為中山太守世祖初起丹降為將軍戰死上閔之封丹子泓為武桓侯至今師古曰泓音於宏反

司徒掾班彪曰三代以來宋祁曰三代字上當有自字春秋所記

王公國君與其失世稀不以女寵漢興后妃之家呂

霍上官幾危國者數矣師古曰幾音巨依反數音所角反及王莽之

興由孝元后歷漢四世為天下母饗國六十餘載羣

弟世權更持國柄師古曰更音工衡反五將十侯卒成新都位

號已移於天下而元后卷卷猶握一璽師古曰卷音其圓反解在

劉向傳 不欲以授莽婦人之仁慈夫

前漢書卷九十八

前漢書卷九十八考證

孝元皇后傳生成帝於甲館畫堂○甲館成帝紀作

甲觀

二人頓首省戶下○顧炎武曰省戶卽禁門也蔡邕

獨斷曰禁中者門戶有禁非侍御者不得入故曰

禁中孝元皇后父陽平侯名禁當時避之故曰省

中

前漢書卷九十八考證

前漢書卷九十九上

漢 蘭 臺 令 史班 固撰

唐正議大夫行秘書少監琅邪縣開國子顏師古注

王莽傳第六十九上

王莽字巨君孝元皇后之弟子也元后父及兄弟皆

以元成世封侯居位輔政家凡九侯五大司馬語在

元后傳師古曰外戚傳言十侯此唯莽父曼蚤死不

侯師古曰蚤莽羣兄弟皆將軍五侯子乘時侈靡師古

曰乘因也因以輿馬聲色佚游相高師古曰佚莽獨

孤貧因折節為恭儉受禮經師事沛郡陳參勤身博

學被服如儒生師古曰被事母及寡嫂養孤兄子行

甚敕備師古曰又外交英俊內事諸父曲有禮意陽

朔中世父大將軍鳳病師古曰謂伯父也以莽侍疾

前漢書卷九十九上 列傳 一中華書局聚

親嘗藥亂首垢面不解衣帶連月鳳且死以託太后

及帝拜為黃門郎遷射聲校尉久之叔父成都侯商

上書願分戶邑以封莽及長樂少府戴崇侍中金涉

胡騎校尉箕闕上谷都尉陽並中郎陳湯皆當世名

士咸為莽言上由是賢莽永始元年封莽為新都侯

國南陽新野之都鄉千五百戶遷騎都尉光祿大夫

侍中宿衛謹敕爵位益尊節操愈謙散輿馬衣裘振

施賓客師古曰家無所餘收贍名士交結將相卿大

夫甚眾故在位更推薦之師古曰游者為之談說

虛譽隆洽傾其諸父矣敢為激發之行處之不慙師古曰

光莽使學博士門下莽休沐出振車騎師古曰振整

也起奉羊酒勞遺其師恩施下竟同學師古曰竟諸生

也起奉羊酒勞遺其師恩施下竟同學師古曰竟諸生

縱觀長老歎息光年小於莽子字莽使同日內婦賓

客滿堂須臾一人言太夫人苦某痛當飲某藥比客

罷者數起焉師古曰比音必寐反數音所角反嘗私買侍婢昆弟或

頗聞知莽因曰後將軍朱子元無子師古曰朱博莽聞此

兒種宜子師古曰此兒謂所買婢也為買之即日以婢奉子元其

匿情求名如此是時太后姊子淳于長以材能為九

卿先進在莽右師古曰名位居其右在前也莽因求其罪過因大

司馬曲陽侯根白之長伏誅莽以獲忠直語在長傳

根因乞骸骨薦莽自代上遂擢為大司馬是歲綏和

元年也年三十八矣莽既拔出同列繼四父而輔政

師古曰鳳商音根四人皆為大司馬而莽之諸父也欲令名譽過前人遂克己

不倦聘諸賢良○宋祁曰聘諸當作聘請以為掾史賞賜邑錢悉

以享士愈為儉約母病公卿列侯遣夫人問疾莽妻

迎之衣不曳地布蔽膝見之者以爲僮使問知其夫
人皆驚輔政歲餘成帝崩哀帝卽位尊皇太后爲太
皇太后太后詔莽就第避帝外家莽上疏乞骸骨哀
帝遣尙書令詔莽曰先帝委政於君而棄羣臣朕得
奉宗廟誠嘉與君同心合意今君移病求退

師古曰
移書言

病也

一曰以

病而移居也以著朕之不能奉順先帝之意

師古曰
著明也

朕甚悲傷焉已詔尙書待君奏事又遣丞相孔光大
司空何武左將軍師丹衛尉傅喜白太后曰皇帝聞
太后詔甚悲大司馬卽不起皇帝卽不敢聽政太后
復令莽視事時哀帝祖母定陶傅太后母丁姬在高
昌侯董宏上書言春秋之義母以子貴丁姬宜上尊
號莽與師丹共劾宏誤朝不道語在丹傳後日未央
宮置酒內者令爲傅太后張幄坐於太皇太后坐旁

師古曰坐並音材臥反莽案行責內者令曰定陶太后藩妾何

以得與至尊並徹去更設坐傅太后聞之大怒不肯

會重怨恚莽師古曰會謂至置酒所也重音直用反莽復乞骸骨哀帝

賜莽黃金五百斤安車駟馬罷就第公卿大夫多稱

之者上乃加恩寵置使家中黃門蘇林曰使黃門在其家中為使令

十日一賜餐下詔曰新都侯莽憂勞國家執義堅固

朕庶幾與為治太皇太后詔莽就第朕甚閔焉其以

黃郵聚戶三百五十益封莽服虔曰黃郵在南陽棘陽縣○宋祁曰郵說文位特進

曰郵境上行書舍也倉頡篇曰郵過書之官也廣雅云驛也益封莽別本越本無莽字

給事中朝朔望見禮如三公師古曰見天子之禮也後二歲傅

乘綠車從師古曰綠車皇孫之車天子出後二歲傅行令莽乘之以從所以寵也

太后丁姬皆稱尊號丞相朱博奏莽前不廣尊尊之

義抑貶尊號虧損孝道當伏顯戮幸蒙赦令不宜有

爵士請免為庶人上曰以莽與太皇太后有屬勿免

遣就國莽杜門自守其中子獲殺奴師古曰獲者莽子之名也今書

本有作護字者莽切責獲令自殺在國三歲吏上書

冤訟莽者以百數師古曰言其合管朝政不當就國也○宋祁曰吏字下當有民字

元壽元年日食賢良周護宋崇等對策深訟莽功德

上於是徵莽始莽就國南陽太守以莽貴重選門下

掾宛孔休守新都相師古曰宛縣人休謁見莽莽盡禮

自納休亦聞其名與相答後莽疾休候之莽緣恩意

進其玉具寶劍欲以為好師古曰結歡好也音呼到反休不肯受

莽因曰誠見君面有瘕師古曰瘕創痕也音下恩反美玉可以滅

瘕欲獻其珠耳耳○宋祁曰即解其珠蘇林曰珠音衛

師古曰珠字本作堯從王堯聲後轉休復辭讓莽曰

君嫌其賈邪師古曰賈讀曰價也遂椎碎之師古曰椎音直追反

其梓自裹以進休休乃受及莽徵去欲見休休稱疾

不見莽還京師歲餘哀帝崩無子而傅太后丁太后

皆先薨太皇太后即日駕之未央宮收取璽綬遣使

者馳召莽詔尚書諸發兵符節百官奏事中黃門期

門兵皆屬莽莽白大司馬高安侯董賢年少不合衆

心收印綬賢即日自殺太后詔公卿舉可大司馬者

大司徒孔光大司空彭宣舉莽前將軍何武後將軍

公孫祿互相舉太后拜莽為大司馬與議立嗣安陽

侯王舜莽之從弟其人脩飭師古曰飭讀與太后所

信愛也莽白以舜為車騎將軍使迎中山王奉成帝

後是為孝平皇帝帝年九歲太后臨朝稱制委政於

莽莽白趙氏前害皇子傅氏驕僭遂廢孝成趙皇后

孝哀傅皇后皆令自殺語在外戚傳莽以大司徒孔

光名儒相三主太后所敬天下信之於是盛尊事光

引光女婿甄邯為侍中奉車都尉諸哀帝外戚及大

臣居位素所不說者師古曰說莽皆傳致其罪師古曰傳

讀曰附附益而為請奏令邯持與光光素畏慎不敢

不上之莽白太后輒可其奏於是前將軍何武後將

軍公孫祿坐互相舉免丁傅及董賢親屬皆免官爵

徙遠方紅陽侯立太后親弟雖不居位莽以諸父內

敬憚之畏立從容言太后令己不得肆意乃復令光

奏立舊惡前知定陵侯淳于長犯大逆罪多受其賂

為言誤朝師古曰妄稱譽之誤惑朝廷也後白以官婢楊寄私子為

皇子衆言曰呂氏少帝復出紛紛為天下所疑難以

示來世成襁褓之功請遣立就國太后不聽莽曰今

漢家衰比世無嗣師古曰比類也太后獨代幼主統政誠可

畏懼力用公正先天下尚恐不從師古曰勉今以私恩

逆大臣議如此羣下傾邪亂從此起宜可且遣就國

安後復徵召之師古曰猶徐也太后不得已遣立就國莽

之所以脅持上下皆此類也於是附順者拔擢忤恨

者誅滅王舜王邑為腹心甄豐甄邯主擊斷平晏領

機事劉歆典文章孫建為爪牙豐子尋歆子棻師古曰棻

或作揅字音扶云反涿郡崔發南陽陳崇皆以材能幸於莽莽

色厲而言之師古曰外示稟厲之色而假為方直欲

有所為微見風采師古曰音胡電反見黨與承其指意而顯奏

之莽稽首涕泣固推讓焉上以惑太后下用示信於

衆庶始風益州令塞外蠻夷獻白雉師古曰風讀曰

元始元年正月莽白太后下詔以白雉薦宗廟羣臣

因奏言太后委任大司馬莽定策安宗廟故大司馬

霍光有安宗廟之功益封三萬戶疇其爵邑比蕭相

國莽宜如光故事太后問公卿曰○宋祁曰問字上當有召字誠

以大司馬有大功當著之邪師古曰將以骨肉故欲

異之也於是羣臣乃盛陳莽功德致周成白雉之瑞

千載同符聖王之法臣有大功則生有美號故周公

及身在而記號於周莽有定國安漢家之大功宜賜

號曰安漢公益戶疇爵邑上應古制下準行事○劉敞曰

行之事已以順天心太后詔尚書具其事莽上書言

臣與孔光王舜甄豐甄邯共定策今願獨條光等功

賞寢置臣莽勿隨輩列甄邯白太后下詔曰無偏無

黨王道蕩蕩師古曰尚書洪範之言也屬有親者義

不得阿君有安宗廟之功不可以骨肉故蔽隱不揚

君其勿辭莽復上書讓太后詔謁者引莽待殿東廂

莽稱疾不肯入太后使尚書令恂詔之曰君以選故

而辭以疾師古曰選善也國家欲褒君任重不可闕

以時亟起師古曰亟急也音居力反莽遂固辭太后復使長信太

僕閔承制召莽莽固稱疾左右白太后宜勿奪莽意

但條孔光等莽乃肯起太后下詔曰太傅博山侯光

宿衛四世世為傅相忠孝仁篤行義顯著建議定策

益封萬戶以光為太師與四輔之政師古曰豫與車騎

將軍安陽侯舜積累仁孝使迎中山王折衝萬里功

德茂著益封萬戶以舜為太保左將軍光祿勳豐宿

衛三世忠信仁篤師古曰篤厚也使迎中山王輔導共養以

安宗廟師古曰共音居用反養音弋亮反封豐為廣陽侯食邑五千

戶以豐為少傅皆授四輔之職疇其爵邑各賜第一

區侍中奉車都尉邳宿衛勤勞建議定策封邳為承

陽侯食邑三千四百戶師古曰承音蒸四人既受賞莽尚未

起羣臣復上言莽雖克讓朝所宜章以時加賞明重

元功無使百僚元元失望太后乃下詔曰大司馬新

都侯莽三世為三公典周公之職建萬世策功德為

忠臣宗化流海內遠人慕義越裳氏重譯獻白雉宋

越本無裳字其以召陵新息二縣戶二萬八千益

封莽復其後嗣疇其爵邑師古曰復音扶目反封功如蕭相國

○宋祁曰邵本云封加如蕭相國劉敞曰封字衍以莽為太傅幹四輔之事

號曰安漢公以故蕭相國甲第為安漢公第定著於

令傳之無窮於是莽為惶恐不得已而起受策策曰

漢危無嗣而公定之四輔之職三公之任而公幹之

羣僚衆位而公宰之功德茂著宗廟以安蓋白雉之

瑞周成象焉師古曰言莽致白雉之象故賜嘉號曰安

漢公輔翼于帝期於致平師古曰致太平毋違朕意莽受太

傅安漢公號讓還益封疇爵邑事云願須百姓家給

然後加賞師古曰給足也羣公復爭太后詔曰公自

期百姓家給是以聽之其令公奉舍人賞賜皆倍故

師古曰奉所食之奉也舍人私府吏員也百姓家給

人足大司徒大司空以聞莽復讓不受而建言宜立

諸侯王後及高祖以來功臣子孫大者封侯或賜爵

關內侯食邑然後及諸在位各有第序上尊宗廟增

加禮樂下惠士民鰥寡恩澤之政無所不施語在平

紀莽既說衆意師古曰說又欲專斷知太后馱政乃

風公卿師古曰諷奏言往者吏以功次遷至二千石

及州部所舉茂材異等吏率多不稱宜皆見安漢公

又太后不宜親省小事令太后下詔曰皇帝幼年朕

且統政比加元服師古曰比至平帝加元服以來太

曰元服下當有者字今眾事煩碎朕春秋高精氣不堪殆非所

以安躬體而育養皇帝者也故選忠賢立四輔羣下

勸職永以康寧孔子曰巍巍乎舜禹之有天下而不

與焉師古曰論語載孔子之言也巍巍高貌也言舜禹之治天下委任賢臣以成其功而不身親其

事也與讀曰豫自今以來惟封爵乃以聞他事安漢公四輔

平決州牧二千石及茂材吏初除奏事者輒引入至

近署對安漢公考故官問新職以知其稱否於是莽

人人延問致密恩厚加贈送其不合指顯奏免之

權與人主侔矣莽欲以虛名說太后師古曰說讀曰悅白言

親承前孝哀丁傅奢侈之後百姓未贍者多太后宜

且衣繒練頗損膳以視天下師古曰繒練謂帛無文者視讀曰示莽因

上書願出錢百萬獻田三十頃付大司農助給貧民

於是公卿皆慕效焉莽帥羣臣奏言陛下春秋尊久

衣重練減御膳誠非所以輔精氣育皇帝安宗廟也

臣莽數叩頭省戶下白爭未見許今幸賴陛下德澤

間者風雨時甘露降神芝生蓂莢朱草嘉禾休徵同

時並至師古曰休美也徵證也臣莽等不勝大願願陛下愛精

休神闕略思慮師古曰闕寬也略簡也遵帝王之常服復大官

之法膳使臣子各得盡驩心備共養惟哀省察莽又

令太后下詔曰蓋聞母后之義思不出乎門闕師古曰闕

門闕也音域○宋國不蒙佑皇帝年在襁褓未任親

政戰戰兢兢懼於宗廟之不安國家之大綱微朕孰

當統之師古曰微無也是以孔子見南子周公居攝蓋權時

也師古曰南子衛靈公夫人孔子也勤身極思憂勞未

綏故國奢則視之以儉師古曰示矯枉者過其正而

朕不身帥將謂天下何夙夜夢想五穀豐孰百姓家

給比皇帝加元服委政而授焉師古曰必寐反今誠未皇

于輕靡而備味師古曰皇暇也靡細也庶幾與百僚有成其最

之哉師古曰最勉也每有水旱莽輒素食師古曰素食即菜食也解在霍光傳

左右以白太后遣使者詔莽曰聞公菜食憂民深矣

今秋幸孰公勤於職以時食肉愛身為國莽念中國

已平惟四夷未有異乃遣使者齎黃金幣帛重賂匈

奴單于使上書言聞中國譏二名故名囊知牙斯今

更名知慕從聖制又遣王昭君女須卜居次入侍所

以誑耀媚事太后下至旁側長御方故萬端莽既尊

重欲以女配帝為皇后以固其權奏言皇帝即位三

年長秋宮未建液廷媵未充師古曰液與掖同音古字通用乃者國

家之難本從亡嗣配取不正請考論五經定取禮師古

曰取皆正十二女之義以廣繼嗣博采二王後及周

公孔子世列侯在長安者適子女師古曰適讀曰嫡嫡妻所生女也

事下有司上衆女名王氏女多在選中者莽恐其與

己女爭卽上言身亡德子材下不宜與衆女並采太

后以爲至誠乃下詔曰王氏女朕之外家其勿采庶

民諸生郎吏以上守闕上書者日千餘人公卿大夫

或詣廷中或伏省戶下咸言明詔聖德巍巍如彼安

漢公盛勳堂堂若此今當立后獨奈何廢公女天下

安所歸命願得公女爲天下母莽遣長史以下分部

曉止公卿及諸生師古曰分音扶問反而上書者愈甚太后不

得已聽公卿采莽女莽復自白宜博選衆女公卿爭

曰不宜采諸女以貳正統師古曰言皇后之位當在莽女也莽白願

見女太后遣長樂少府宗正尙書令納采見女還奏

言公女漸漬德化有窈窕之容師古曰窈窕幽閑也宜承天序

奉祭祀有詔遣大司徒大司空策告宗廟雜加卜筮

皆曰兆遇金水王相卦遇父母得位孟康曰金水相生也張晏曰金

王則水相也遇父母謂泰卦乾下坤上天下於地是配享之卦師古曰王音于放反○劉歆曰予謂但言

知是泰卦乎父母得位安所謂康強之占逢吉之符也信鄉侯修

上言師古曰王子侯表清河綱王子豹始封新鄉侯傳爵至曾孫修王莽篡位賜姓王即謂此也而

此傳作信鄉侯古者新信同音故耳修音徒冬反春秋天子將娶於紀則褻

紀子稱侯師古曰解在外戚恩澤侯表也安漢公國未稱古制師古曰稱

副也音尺孕反其下亦同事下有司皆曰古者天子封后父百里

尊而不臣以重宗廟孝之至也修言應禮可許請以

新野田二萬五千六百頃益封莽滿百里莽謝曰臣

莽子女誠不足以配至尊復聽眾議益封臣莽伏自

惟念得託肺腑獲爵土如使子女誠能奉稱聖德臣

莽國邑足以共朝貢師古曰共不須復加益地之寵

願歸所益太后許之有司奏故事聘皇后黃金二萬

斤為錢二萬萬莽深辭讓受四千萬而以其三千三

百萬予十一媵家羣臣復言今皇后受聘踰羣妾亡

幾師古曰亡幾不多也亡讀曰無幾音居豈反其下並同有詔復益二千三百

萬合為三千萬莽復以其千萬分予九族貧者陳崇

時為大司徒司直與張敞孫竦相善竦者博通士為

崇草奏稱莽功德師古曰草謂創立其文也崇奏之曰竊見安漢

公自初束脩師古曰束脩謂初學官之時值世俗隆奢麗之時蒙

兩宮厚骨肉之寵師古曰兩宮謂成帝及太后被諸父赫赫之光

師古曰被音皮義反財饒執足亡所悟意師古曰悟逆也無人能逆其意也悟音五

故然而折節行仁克心履禮拂世矯俗確然特立師古

曰拂違也矯正也拂音佛惡衣惡食陋車駑馬妃匹無二閨門之

前漢書卷九十九上列傳十一中華書局聚

內孝友之德衆莫不聞清靜樂道温良下士師古曰音胡

嫁反惠于故舊篤于師友孔子曰未若貧而樂富而好

禮師古曰論語子貢問曰貧而無諂富而無驕何公如孔子曰可也未若貧而樂富而好禮者也

之謂矣及爲侍中故定陵侯淳于長有大逆罪公不

敢私建白誅討師古曰首言其事也周公誅管蔡季子鳩叔牙

師古曰解並在前公之謂矣是以孝成皇帝命公大司馬委

以國統孝哀卽位高昌侯董宏希指求美造作二統

晉灼曰欲令丁姬爲帝太后也公手劾之以定大綱建白定陶太后

不宜在乘輿幄坐師古曰坐音才臥反以明國體詩曰柔亦不

茹剛亦不吐不侮鰥寡不畏疆圉師古曰大雅烝民之詩美仲山甫之

德茹食也強圉強梁圉扞也○宋祁曰監本越本無不侮鰥寡四字公之謂矣深執謙

退推誠讓位定陶太后欲立僭號憚彼面刺幄坐之

義佞惑之雄朱博之疇懲此長宏手劾之事上下一

心讒賊交亂詭辟制度遂成篡號師古曰詭違斥逐

仁賢誅殘戚屬而公被胥原之訴遠去就國應劭曰胥原子

胥屈原也師古曰遠去朝廷而就其侯國朝政崩壞綱紀廢弛危亡之禍

不隧如髮爾師古曰弛解也音式詩云人之云亡邦國

殄頽師古曰大雅瞻仰之詩也殄盡也頽病也言為政不善賢人奔亡矣天下邦國盡困病也頽與

才醉反音公之謂矣當此之時宮亡儲主董賢據重加

以傅氏有女之援師古曰謂哀帝傅皇后皆自知得罪天下結

讐中山張晏曰傅太后詛中山罪則必同憂斷金相翼馮太后陷以祝詛之罪

憚急引所附遂誣往寃更徵遠屬事執張見其不難

矣師古曰言哀帝既崩丁傅董賢欲稱遺詔樹立黨親共立幼主以據國權也遠屬國之宗室疎遠者

也○宋祁曰微字當作懲其字下當有然字矣字當刪賴公立入即時退賢及

其黨親當此之時公運獨見之明奮亡前之威師古曰無

前漢書卷九十九上列傳十一中華書局聚

前謂無有盱衡厲色振揚武怒孟康曰眉上曰衡盱

許于反音乘其未堅厭其未發師音古曰涉反震起機動敵

人摧折雖有賁育不及持刺師音古曰孟賁夏育皆古

刺雖有樗里不及回知師音古曰樗里子名疾秦惠王

囊雖有鬼谷不及造次師音古曰鬼谷先生說是故董賢

喪其魂魄遂自絞殺人不還踵日不移晷師音古曰還

景也言霍然四除更爲寧朝非陛下莫引立公非公

莫克此禍詩云惟師尚父時惟鷹揚亮彼武王師音古

雅大明之詩也師尚父太公也亮助也言太孔子曰

敏則有功師音古曰論語載孔子對子張之言公之謂

矣於是公乃白內故泗水相豐釐令邯師音古曰甄豐

節東迎皆以功德受封益土爲國名臣書曰知人則

節東迎皆以功德受封益土爲國名臣書曰知人則

哲師古曰虞書咎繇公之謂也公卿咸歎公德同盛

公勳皆以周公為比師古曰必疾反宜賜號安漢公益封

二縣公皆不受傳曰申包胥不受存楚之報晏平仲

不受輔齊之封師古曰申包胥楚大夫也吳師入郢

以救楚昭王反國欲賞包胥辭曰吾為君也非為身也遂不受晏平仲齊大夫晏嬰也以道佐齊景公景

讓而不受孔子曰能以禮讓為國乎何有師古曰論語載孔子

董仲舒傳公之謂也將為皇帝定立妃后有司上

名公女為首公深辭讓迫不得已然後受詔父子之

親天性自然欲其榮貴甚於為身皇后之尊侔於天

子當時之會千載希有然而公惟國家之統揖太福

之恩師古曰揖謂讓而不當也事事謙退動而固辭書曰舜讓于

德不嗣書曰德薄不足以繼帝堯之事也公之謂矣自

公受策以至于今疊疊翼翼日新其德師古曰疊疊勉也翼翼敬

也音增脩雅素以命下國後儉隆約以矯世俗師

武匪反音增脩雅素以命下國後儉隆約以矯世俗師

以逮公卿師讀與弭同教子尊學以隆國化僮奴布衣

馬不秣穀食飲之用不過凡庶詩云温温恭人如集

于木師古曰小雅小宛之詩温温孔子曰食無求飽

居無求安師古曰論語載孔子之言也謂公之謂矣

克身自約糴食逮給師古曰纔得粗物物印市日闕

亡儲師古曰物物印市言其衣食所須皆買之於市

邑入金錢獻田殫盡舊業為衆倡始師古曰倡

小大鄉和承風從化師古曰鄉外則王公列侯內則

帷幄侍御翕然同時各竭所有或入金錢或獻田畝

以振貧窮收贍不足者昔令尹子文朝不及夕魯公

以振貧窮收贍不足者昔令尹子文朝不及夕魯公

儀子不茹園葵張晏曰令尹子文自毀其家以紓楚國之難仕而逃祿朝不及夕也師古

曰子文楚令尹鬬穀於菟也公儀子魯國相公儀休也拔其園葵不奪園夫之利食菜曰茹音人諸反

公之謂矣開門延士下及白屋師古曰白屋謂庶人

婁省朝政師古曰婁古屢字綜管衆治親見牧守以下考迹

雅素審知白黑詩云夙夜匪解以事一人師古曰大雅烝民之

詩也解讀曰懈天子易曰終日乾乾夕惕若厲卦九三爻乾

辭也乾乾自疆之意惕懼也厲病也公之謂矣比三世爲三公再奉送

大行師古曰填音竹刃反乘冢宰職填安國家師古曰填音竹刃反四海輻

湊靡不得所書曰納于大麓烈風雷雨不迷師古曰

典敘舜之德麓錄也言堯使舜大錄萬機之政一曰山足曰麓言舜有聖德雖遇雷風不迷惑也公

之謂矣此皆上世之所鮮師古曰鮮音先禹稷之所難而

公包其終始一以貫之師古曰參乎吾道一以貫之謂曾子

怨可謂備矣是以三年之間化行如神嘉瑞疊累豈

非陛下知人之效得賢之致哉故非獨君之受命也

臣之生亦不虛矣是以伯禹錫玄圭周公受郊祀師古

曰尚書禹貢云禹錫玄圭告厥成功言賞治水功成也禮記明堂位曰成王幼弱周公踐天子之位以治

天下七年乃致政於成王成王以周公為有勳勞於天下封周公於曲阜地方七百里革車千乘命魯公

十世有二旒日月之章祀帝于郊配以后稷天子之禮

也蓋以達天之使不敢擅天之功也師古曰言天降

王者當申達其用而不敢自專揆公德行為天下紀師古曰揆度觀

公功勳為萬世基基成而賞不配紀立而褒不副師古

對也誠非所以厚國家順天心也高皇帝褒賞元功

相國蕭何邑戶既倍又蒙殊禮奏事不名入殿不趨

封其親屬十有餘人樂善無厭班賞亡遴師古曰遴

苟有一策即必爵之是故公孫戎位在充郎選繇旄

頭壹明樊噲封二千戶孟康曰公孫戎奴也高帝時為旄頭郎晉灼曰楚漢春秋

上東園項羽聞樊噲反旄頭公孫戎明之卒不反封
戎二千戶師古曰此公孫戎耳非戎奴也戎奴自武

帝時人孟說誤矣絲讀與由同孝文皇帝褒賞絳侯益封萬戶賜黃

金五千斤孝武皇帝卹錄軍功裂三萬戶以封衛青

青子三人或在襁褓皆為通侯孝宣皇帝顯著霍光

增戶命疇封者三人延及兄孫夫絳侯即因漢藩之

固杖朱虛之鯁依諸將之遞據相扶之執其事雖醜

要不能遂也李奇曰言勃之功不遂而霍光據席常任

衆要不能以呂后在時而遂意也師古曰二說皆非

也遞繞也謂相圍繞也言絳侯之時漢家外有藩屏

盤石之固內有朱虛骨鯁之強諸將同心圍繞扶翼

呂氏之黨雖欲作亂心懷醜惡事必不成言勃之功

不足多也霍光即席常任之重乘大媵之威未嘗遭

時不行陷假離朝去服虔曰言光未嘗陷假不遇而離
古曰假升也陷假者被陷害而下猶瘕也朝之執事
位也韋昭曰陷隧也假音下下猶瘕也朝之執事

亡非同類割斷歷久統政曠世雖曰有功所因亦易

然猶有計策不審過徵之累師古曰光誤徵昌邑王不得其人也累音力瑞

反及至青戎標末之功服虔曰標音刀末之標謂衛青公孫戎也師古曰標音匹

遙反○宋祁曰予案字林一言之勞然猶皆蒙丘山標刀削末銅也音匹么反

之賞課功絳霍造之與因也比於青戎地之與天也

而公又有宰治之效乃當上與伯禹周公等盛齊隆

兼其褒賞豈特與若云者同日而論哉師古曰若云謂若向者所

云絳霍青戎也然會不得蒙青等之厚臣誠惑之臣聞功亡

原者賞不限德亡首者褒不檢師古曰無原謂不可測其本原也無首謂

無出其上也是故成王之於周公也度百里之限師古

曰度亦越九錫之檢開七百里之字師古曰解並見前兼商

奄之民師古曰商名賜以附庸殷民六族師古曰謂條

索氏長勺氏大路大旂師古曰解封父之繁弱夏后

之璜師古曰封父古諸侯也繁弱大祝宗卜史師古曰太

祝太宗太卜備物典策師古曰既有備物而加之策

官司彝器師古曰官廟酒器也周禮有六彝彝法也

象之貌耳法白牡之牲師古曰明堂位曰季夏六月

白郊望之禮師古曰郊即祀上帝于郊王曰叔父建

爾元子師古曰魯頌闕宮之詩曰王曰叔父建爾元

也子父俱延拜而受之師古曰謂周公拜後可謂不檢亡

原者矣非特止此六子皆封師古曰周公六詩曰亡

言不讐亡德不報善言則用之有德者必報之一曰

當對也賞報當如之不如非報也服虔曰報賞當如

也報近觀行事高祖之約非劉氏不王然而番君得王

長沙下詔稱忠定著於令師古曰謂吳芮也解明有

大信不拘於制也春秋晉悼公用魏絳之策諸夏服

從鄭伯獻樂悼公於是半賜之絳深辭讓晉侯曰

微子寡人不能濟河夫賞國之典不可廢也子其受

之魏絳於是金石之樂春秋善之師古曰事見左傳襄十一年微

也無取其臣竭忠以辭功君知臣以遂賞也今陛下既

知公有周公功德不行成王之褒賞○宋祁曰德字下當有而字

遂聽公之固辭不顧春秋之明義則民臣何稱萬世

何述誠非所以為國也臣愚以為宜恢公國令如周

公恢師古曰建立公也建立公子令如伯禽所賜之品亦皆如之

諸子之封皆如六子即羣下較然輸忠黎庶昭然感

德師古曰較明貌也○宋祁曰輸同臣誠輸忠民誠感德則

於王事何有師古曰言臻其極無闕遺唯陛下深惟祖宗之重敬

畏上天之戒儀刑虞周之盛師古曰儀刑謂則而象之敕盡伯禽

之賜無違周公之報師古曰報也天下幸甚太后以視羣公師古曰

有祖師古曰祖始也天下幸甚太后以視羣公師古曰

讀曰羣公方議其事會呂寬事起初莽欲擅權白太

后前哀帝立背恩義自貴外家丁傅撓亂國家幾危

社稷師古曰撓擾也音女高反幾音巨依反今帝以幼年復奉大宗爲

成帝後宜明一統之義以戒前事爲後代法於是遣

甄豐奉璽綬卽拜帝母衛姬爲中山孝王后賜帝舅

衛寶寶弟玄爵關內侯皆留中山不得至京師莽子

宇非莽隔絕衛氏恐帝長大後見怨宇卽私遣人與

寶等通書教令帝母上書求入語在衛后傳莽不聽

宇與師吳章及婦兄呂寬議其故章以爲莽不可諫

而好鬼神可爲變怪以驚懼之章因推類說令歸政

於衛氏宇卽使寬夜持血灑莽第門吏發覺之莽執

宇送獄飲藥死宇妻焉懷子師古曰焉其名繫獄須產子已

殺之師古曰須待也莽奏言宇爲呂寬等所誣誤流言惑衆

惡與管蔡同罪

○宋祁曰越本邵本無惡字

臣不敢隱其誅甄邯

等白太后下詔曰夫唐堯有丹朱周文王有管蔡此

皆上聖亡奈下愚子何以其性不可移也公居周公

之位輔成王之主而行管蔡之誅不以親親害尊尊

朕甚嘉之昔周公誅四國之後大化乃成至於刑錯

師古曰四國謂三監及淮夷耳

公其專意翼國期於致平

師古曰莽翼助也

因是誅滅衛氏窮治呂寬之獄連引郡國豪桀素非

議己者內及敬武公主

師古曰元帝女弟也

梁王立紅陽侯立

平阿侯仁使者迫守皆自殺死者以百數海內震焉

大司馬護軍褒奏言安漢公遭子宇陷於管蔡之辜

子愛至深為帝室故不敢顧私惟宇遭辜喟然憤發

作書八篇以戒子孫宜班郡國令學官以教授事下

羣公請令天下吏能誦公戒者以著官簿比孝經

師古

曰著官簿言用
之得選舉也

四年春郊祀高祖以配天宗祀孝文

皇帝以配上帝四月丁未葬女立爲皇后大赦天下

師古曰行
音下更反

遣大司徒司直陳崇等八人分行天下覽

觀風俗太保舜等奏言春秋列功德之義太上有立

德其次有立功其次有立言唯至德大賢然後能之

其在人臣則生有大賞終爲宗臣殷之伊尹周之周

公是也及民上書者八千餘人咸曰伊尹爲阿衡周

公爲太宰周公享七子之封有過上公之賞宜如陳

崇言章下有司有司請還前所益二縣及黃郵聚新

野田采伊尹周公稱號加公爲宰衡位上公掾史秩

六百石三公言事稱敢言之羣吏毋得與公同名出

從期門二十人羽林三十人前後大車十乘賜公太

夫人號曰功顯君食邑二千戶黃金印赤韞

師古曰
韞印之

也組封公子男二人安為褒新侯臨為賞都侯加后聘

三千七百萬合為一萬萬以明大禮太后臨前殿親

封拜安漢公拜前二子拜後如周公故事莽稽首辭

讓出奏封事願獨受母號還安臨印鞞及號位戶邑

事下太師光等皆曰賞未足以直功師古曰直當也謙約退

讓公之常節終不可聽莽求見固讓太后下詔曰公

每見叩頭流涕固辭今移病固當聽其讓令眠事邪

師古曰眠古視字將當遂行其賞遣歸就第也光等曰安臨

親受印鞞策號通天其義昭昭黃郵召陵新野之田

為入尤多師古曰邵皆止於公公欲自損以成國化

宜可聽許治平之化當以時成宰衡之官不可世及

納徵錢乃以尊皇后非為公也功顯君戶和止身不傳

褒新賞都兩國合三千戶甚少矣忠臣之節亦宜自

屈而信主上之義師古曰申信宜遣大司徒大司空持

節承制詔公亟入眠事師古曰亟急也音居力反詔尚書勿復受

公之讓奏奏可莽乃起眠事上書言臣以元壽二年

六月戊午倉卒之夜以新都侯引入未央宮庚申拜

為大司馬充三公位元始元年正月丙辰拜為太傅

賜號安漢公備四輔官今年四月甲子復拜為宰衡

位上公臣莽伏自惟爵為新都侯號為安漢公官為

宰衡太傅大司馬爵貴號尊官重一身蒙大寵者五

誠非鄙臣所能堪據元始三年天下歲已復官屬宜

皆置如淳曰前時饑省官職今豐宜復之也師古曰復音扶目反穀梁傳曰天子

之宰通于四海師古曰宰治也治衆事者謂大臣也臣愚以為宰衡官

以正百僚平海內為職而無印信名實不副臣莽無

兼官之材今聖朝既過誤而用之臣請御史刻宰衡

印章曰宰衡太傅大司馬印成授臣莽上太傅與大

司馬之印太后詔曰可鞅如相國師古曰鞅亦謂組也朕親臨

授焉莽乃復以所益納徵錢千萬遺與長樂長御奉

共養者師古曰太后之長御也共音居用反養音弋亮反太保舜奏言天下

聞公不受千乘之士辭萬金之幣散財施予千萬數

莫不鄉化師古曰鄉讀曰嚮蜀郡男子路建等輟訟慙怍而

退雖文王卻虞芮何以加師古曰卻退也虞芮二國名也並在河之東二國之

君相與爭田久而不平聞文王之德乃往斷焉入周之境則耕者讓畔行者讓路乃相謂曰我小人也

可以履君子之庭遂相讓以其所爭為閑田而退宜報告天下奏可宰衡出

從大車前後各十乘直事尚書郎侍御史謁者中黃

門期門羽林師古曰皆從宰衡出宰衡常持節所止謁者

代持之師古曰相宰衡掾史秩六百石三公稱敢言

之○劉攽曰宰衡以下前已有是歲莽奏起明堂辟其事此復重出當刪併從上

雍靈臺爲學者築舍萬區作市常滿倉制度甚盛立

樂經益博士員經各五人徵天下通一藝教授十一

人以上及有逸禮古書毛詩周官爾雅天文圖讖鍾

律月令兵法史篇文字孟康曰史籀所作十五篇古文書也師古曰周宣王太史

史籀所作大篆書也籀音直救反通知其意者皆詣公車網羅天下

異能之士至者前後千數皆令記說廷中將令正乖

繆壹異說云羣臣奏言昔周公奉繼體之嗣據上公

之尊然猶七年制度乃定夫明堂辟雍墮廢千載莫

能興師古曰墮毀也音火規反今安漢公起於第家輔翼陛下四

年于茲功德爛然師古曰爛然章明之貌公以八月載生魄庚

子師古曰載始也魄月魄也奉使朝用書孟康曰賦之書臨賦營築越

若翊辛丑師古曰翊也越發語辭也諸生庶民大和

會十萬衆並集平作二旬大功畢成師古曰平作謂不促遽也平字

亦或作丕丕唐虞發舉成周造業誠亡以加宰衡位宜

在諸侯王上賜以束帛加璧大國乘車安車各一服

曰大國乘車如大驪馬二四師古曰驪馬併駕也詔曰可其議

九錫之法冬大風吹長安城東門屋瓦且盡五年正

月裕祭明堂諸侯王二十八人列侯百二十人宗室

子九百餘人徵助祭祭○宋祁曰淳化本禮畢封孝宣

曾孫信等三十六人為列侯餘皆益戶賜爵金帛之

賞各有數是時吏民以莽不受新野田而上書者前

後四十八萬七千五百七十二人及諸侯王公列侯

宗室見者皆叩頭言宜亟加賞於安漢公師古曰於

是莽上書曰臣以外屬越次備位未能奉稱師古曰

證反伏念聖德純茂承天當古制禮以治民作樂以移

風四海奔走百蠻並轅師古曰轅辭去之日莫不隕

涕非有款誠豈可虛致自諸侯王已下至于吏民咸

知臣莽上與陛下有葭莩之故師古曰葭蘆也莩者其簡裏白皮也言其

輕薄而附著也故以為喻葭音加莩音孚又得典職每歸功列德者輒以

臣莽為餘言臣見諸侯面言事於前者未嘗不流汗

而慙愧也雖性愚鄙至誠自知德薄位尊力少任大

夙夜悼栗常恐汚辱聖朝今天下治平風俗齊同百

蠻率服皆陛下聖德所自躬親太師光太保舜等輔

政佐治羣卿大夫莫不忠良故能以五年之間至致

此焉臣莽實無奇策異謀奉承太后聖詔宣之于下

不能得什一受羣賢之籌畫而上以聞不能得什伍

師古曰言皆不曉又遺忘也當被無益之辜所以敢且保首領須

臾者誠上休陛下餘光而下依羣公之故也師古曰休庇廢

也○宋祁曰晉灼陛下不忍衆言輒下其章於議者

臣莽前欲立奏止恐其遂不肯止今大禮已行助祭

者畢辭不勝至願願諸章下議者皆寢勿上使臣莽

得盡力畢制禮作樂事事成以傳示天下與海內平

之即有所間非則臣莽當被誅上誤朝之罪師古曰

反如無他謹得全命賜骸骨歸家避賢者路是臣之

私願也惟陛下哀憐財幸師古曰財與裁同甄邯等白太后

詔曰可唯公功德光于天下是以諸侯王公列侯宗

室諸生吏民翕然同辭連守闕庭故下其章諸侯宗

室辭去之日復見前重陳師古曰重音直用反○宋

本作復重雖曉喻罷遣猶不肯去告以孟夏將行厥

賞莫不驩悅稱萬歲而退今公每見輒流涕叩頭言

願不受賞賞即加不敢當位方制作未定事須公而

決故且聽公制作畢成羣公以聞究于前議師古曰

其九錫禮儀亟奏師古曰於是公卿大夫博士議郎

列侯富平侯張純等○宋祁曰越本無富平侯三字九百二人皆曰

聖帝明王招賢勸能德盛者位高功大者賞厚故宗

臣有九命上公之尊則有九錫登等之寵張晏曰宗臣有勳勞

為上公國所宗者也周禮上公九命九命九錫也師古曰登等謂升於常等也今九族親睦

百姓既章萬國和協黎民時雍師古曰章明也時是也雍亦和也此已上

皆取堯典敘堯德之言也聖瑞畢濤太平已洽師古曰濤與臻同帝者之

盛莫隆於唐虞而陛下任之忠臣茂功莫著於伊周

而宰衡配之所謂異時而興如合符者也謹以六藝

通義經文所見周官禮記宜於今者為九命之錫師古

曰禮含文嘉云九錫者車馬衣服樂懸朱戶納陛武賁鈇鉞弓矢秬鬯也臣請命錫奏可

策曰惟元始五年五月庚寅太皇太后臨于前殿延

登親詔之曰公進虛聽朕言師古曰進前也前公宿衛

孝成皇帝十有六年納策盡忠白誅故定陵侯淳于

長以彌亂發姦師古曰彌讀登大司馬職在內輔孝

哀皇帝即位驕妾窺欲姦臣萌動公手劾高昌侯董

宏改正故定陶共王母之僭坐自是之後朝臣論議

靡不據經以病辭位歸于第家為賊臣所陷就國之

後孝哀皇帝覺寤復還公長安臨病加劇猶不忘公

復特進位是夜倉卒國無儲主姦臣充朝危殆甚矣

朕惟定國之計莫宜於公引納于朝即日罷退高安

侯董賢轉漏之間忠策輒建綱紀咸張綏和元壽再

遭大行萬事畢舉禍亂不作輔朕五年人倫之本正

天地之位定張晏曰定冠婚之儀徙南北之郊也欽承神祇經緯四時

復千載之廢矯百世之失張晏曰封先代之禮也天

下和會大衆方輯師古曰輯與集同詩之靈臺書之作雒鎬

京之制商邑之度於今復興

師古曰靈臺所以觀氣象者也文王受命作邑

于豐始立此臺兆庶自勸就其功作故大雅靈臺之詩曰經始靈臺經之營之庶人攻之不日成之作維

謂周公營洛邑以為王都所謂成周也周書洛誥曰召公既相宅周公往營成周使來告卜作洛誥豐鎬

相近故總曰鎬京成周既成遷殷昭章先帝之元功

明著祖宗之令德推顯嚴父配天之義脩立郊禘宗

祀之禮以光大孝是以四海雍雍萬國慕義蠻夷殊

俗不召自至漸化端冕奉珍助祭師古曰蠻夷漸染

其國珍尋舊本道遵術重古動而有成事得厥中至

德要道通於神明祖考嘉享光耀顯章天符仍臻元

氣大同麟鳳龜龍衆祥之瑞七百有餘遂制禮作樂

有綏靖宗廟社稷之大勳普天之下惟公是賴官在

宰衡位為上公今加九命之錫其以助祭共文武之

職師古曰供共乃遂及厥祖師古曰榮寵之命於戲豈

不休哉師古曰於戲讀於是莽稽首再拜受綠韞袞

冕衣裳謂韞韞此音弗韞音畢或錫琫錫孟康曰

也佩刀之飾上曰琫下曰琕音必○劉敞曰錫字宜

古曰錫音蕩瘁音布孔反琕音必○劉敞曰錫字宜

從易宋句履師古曰其形岐頭句音巨俱反○宋祁

曰韋昭曰句履頭飾形如鸞路乘馬

解在禮樂志四馬曰龍旂九旒皮弁素積師古曰素

戎路乘馬師古曰戎車也彤弓矢盧弓矢

建朱鉞右建金戚師古曰鉞屬甲冑一具

二卣師古曰卣香酒也卣中樽也音攸又羊九圭

攢二師古曰末九命青玉珪二師古曰青者春色東

朱戶納陛孟康曰納內也謂鑿殿基際為陛不使露

官虎賁三百人家令丞各一人宗祝卜史官皆置嗇

夫佐安漢公在中府外第虎賁為門衛當出入者傅

籍師古曰傅猶著也音附自四輔三公有事府第皆用傅孟康曰傅

符也師古曰音張戀反以楚王邸為安漢公第大繕

治通周衛祖禰廟及寢皆為朱戶納陛陳崇又奏安

漢公祠祖禰出城門城門校尉宜將騎士從入有門

衛出有騎士所以重國也奏可其秋莽以皇后有子

孫瑞通子午道張晏曰時年十四始有婦人之道也

二為牝故火為水妃子午道從杜陵直絕南山徑漢

中師古曰子北方也午南方也言通南北道相當故

午谷又宜州西界慶州東界有山名子午嶺計南北

直相當此則北山者是子南山者是午共為子午道

為子午道耳顏文所以從杜陵徑漢中風俗使者八人

還言天下風俗齊同詐為郡國造歌謠頌功德凡三

萬言莽奏定著令又奏為市無二賈師古曰言純官

無獄訟邑無盜賊野無饑民道不拾遺男女異路之

制犯者象刑

師古曰象刑解在
武紀及刑法志

劉歆陳崇等十二人

皆以治明堂宣教化封爲列侯莽旣致太平北化匈奴東致海外南懷黃支唯西方未有加迺遣中郎將平憲等多持金幣誘塞外羌使獻地願內屬憲等奏言羌豪良願等種人口可萬二千人願爲內臣獻鮮水海允谷鹽池平地美草皆予漢民自居險阻處爲藩蔽問良願降意對曰太皇太后聖明安漢公至仁天下太平五穀成熟或禾長丈餘或一粟三米或不種自生或蠶不蠶自成甘露從天下醴泉自地出鳳皇來儀神爵降集從四歲以來羌人無所疾苦故思樂內屬宜以時處業置屬國領護事下莽莽復奏曰太后秉統數年恩澤洋溢和氣四塞絕域殊俗靡不

慕義越裳氏重譯獻白雉黃支自三萬里貢生犀東夷王度大海奉國珍匈奴單于順制作去二名今西域良願等復舉地爲臣妾昔唐堯橫被四表亦亡以加之今謹案已有東海南海北海郡未有西海郡請受良願等所獻地爲西海郡臣又聞聖王序天文定地理因山川民俗以制州界漢家地廣二帝三王

曰唐虞及周要服之內方七千里夏殷方三千里漢地南北萬三千里也凡十二州州名

及界多不應經堯典十有二州後定爲九州漢家廓地遼遠州牧行部遠者三萬餘里不可爲九謹以經義正十二州名分界以應正始奏可又增法五十條犯者徙之西海徙者以千萬數民始怨矣泉陵侯劉

慶上書

師古曰王子侯年表衆陵節侯賢長沙定王

元年頃侯慶嗣此則是也此傳及翟義傳並云泉陵地理志泉陵屬零陵郡而表作衆陵表爲誤也言

周成王幼少稱孺子周公居攝今帝富於春秋宜令

安漢公行天子事如周公羣臣皆曰宜如慶言冬熒

惑入月中平帝疾莽作策請命於泰時戴璧秉圭願

以身代藏策金滕置于前殿敕諸公勿敢言師古曰詐依周

公為武王請命作金滕也十二月平帝崩大赦天下莽徵明禮者

宗伯鳳等與定天下吏六百石以上皆服喪三年奏

尊孝成廟曰統宗孝平廟曰元宗時元帝世絕而宣

帝曾孫有見王五人師古曰王之見在者列侯廣戚侯顯等四

十八人莽惡其長大曰兄弟不得相為後迺選立孫

中最幼廣戚侯子嬰年二歲託以為小相最吉是月

前輝光謝囂奏武功長孟通浚并得白石師古曰浚抒治之也

囂音許驕反浚音峻抒音直呂反上圓下方有丹書著石師古曰著音直略反

文曰告安漢公莽為皇帝符命之起自此始矣莽使

羣公以白太后太后曰此誣罔天下不可施行太保

舜謂太后事已如此無可奈何沮之力不能止師古曰沮

壞也音才汝反又莽非敢有它但欲居攝以重其權填服天

下耳師古曰填音竹刃反太后聽許舜等即共令太后下詔曰

蓋聞天生衆民不能相治爲之立君以統理之君年

幼稚必有寄託而居攝焉然後能奉天施而成地化

羣生茂育書不云乎天工人其代之師古曰虞書咎繇謨之辭也言

人代天以理治工事也朕以孝平皇帝幼年且統國政幾加元

服委政而屬之師古曰屬付也幾音冀屬音之欲反今短命而崩嗚

呼哀哉已使有司徵孝宣皇帝玄孫二十三人差度

宜者以嗣孝平皇帝之後師古曰差度謂擇也度音大各反玄孫年

在緼祿不得至德君子孰能安之安漢公莽輔政三

世比遭際會安光漢室師古曰比類也遂同殊風至于制作

與周公異世同符今前輝光囂武功長通上言丹石

之符朕深思厥意云為皇帝者乃攝行皇帝之事也

夫有法成易非聖人者亡法其令安漢公居攝踐阼

如周公故事以武功縣為安漢公采地師古曰采官也

故謂之采名曰漢光邑具禮儀奏於是羣臣奏言太后聖

德昭然深見天意詔令安漢公居攝臣聞周成王幼

少周道未成成王不能共事天地脩文武之烈師古曰共

讀曰恭周公權而居攝則周道成王室安不居攝則

恐周隊失天命師古曰隊音直類反書曰我嗣事子孫大不克

共上下遏失前人光在家不知命不易天應棊謀乃

亡隊命師古曰師相成王為左右公為保周公為

告之大不能恭承天尊而呼之故曰君也言我恐後嗣

命之難天所應輔唯在誠所說曰師古曰謂周公

服天子之冕南面而朝羣臣發號施令常稱王命召

公賢人不知聖人之意故不說也師古曰召讀曰邵說讀曰悅次下並

同禮明堂記曰周公朝諸侯於明堂天子負斧依南

面而立師古曰依讀曰謂周公踐天子位六年朝諸

侯制禮作樂而天下大服也召公不說時武王崩纒

纒未除師古曰纒音千回反由是言之周公始攝則居天子之

位非乃六年而踐阼也書逸嘉禾篇曰周公奉鬯立

于阼階延登贊曰假王莅政勤和天下此周公攝政

贊者所稱師古曰贊謂祭祝之辭也成王加元服周公則致政書

曰朕復子明辟師古曰周書洛誥載周公告成王之辭言我復還明君之政於子也復音

反扶目周公常稱王命專行不報故言我復子明君也

臣請安漢公居攝踐阼服天子韎冕師古曰此韎背亦謂裳韎也背

斧依于戶牖之間南面朝羣臣聽政事車服出入警

蹕民臣稱臣妾皆如天子之制郊祀天地宗祀明堂

共祀宗廟享祭羣神贊曰假皇帝師古曰贊謂祭祀之辭也共音恭

民臣謂之攝皇帝自稱曰予平決朝事常以皇帝之

詔稱制以奉順皇天之心輔翼漢室保安孝平皇帝

之幼嗣遂寄託之義隆治平之化師古曰遂成也其朝見太

皇太后帝皇后皆復臣節自施政教於其宮家國采

如諸侯禮儀故事臣昧死請太后詔曰可明年改元

曰居攝居攝元年正月莽祀上帝於南郊迎春於東

郊行大射禮于明堂養三老五更成禮而去師古曰更音工

衡置柱下五史秩如御史聽政事侍旁記疏言行三

月己丑立宣帝玄孫嬰為皇太子號曰孺子以王舜

為太傅左輔甄豐為太阿右拂師古曰拂甄邯為太

保後承又置四少秩皆二千石四月安眾侯劉崇與

相張紹謀曰師古曰安衆康侯月長沙定王子侯表安漢

公莽專制朝政必危劉氏天下非之者乃莫敢先舉

此宗室恥也吾帥宗族為先海內必和紹等從者百

餘人遂進攻宛不得入而敗紹者張竦之從兄也竦

與崇族父劉嘉詣闕自歸莽赦弗罪竦因為嘉作奏

曰建平元壽之間大統幾絕宗室幾棄師古曰幾賴

蒙陛下聖德扶服振救師古曰陛下謂莽遮扞匡衛

國命復延宗室明目臨朝統政發號施令動以宗室

為始登用九族為先並錄支親建立王侯南面之孤

計以百數收復絕屬存亡續廢師古曰復得比肩首

復為人者嬪然成行嬪音匹人反行音下郎反也所

以藩漢國輔漢宗也建辟雍立明堂班天法流聖化

朝羣后昭文德宗室諸侯咸益土地天下喁喁引領

而歎師古曰喁喁衆音頤頌聲洋洋滿耳而入師古曰論語載孔子

耳哉故竦引之也洋音羊又音翔國家所以服此美

膺此名饗此福受此榮者豈非太皇太后日昊之思

陛下夕惕之念哉何謂師古曰先為設問復陳其事也亂則統其理

危則致其安禍則引其福絕則繼其統幼則代其任

晨夜屑屑寒暑勤勤師古曰屑屑猶切切動作之意也無時休息孳

孳不已者師古曰孳孳不怠之意也音與致同凡以為天下厚劉氏也

安衆侯崇乃獨懷悖惑之心師古曰悖乖也操畔逆之慮興

兵動衆欲危宗廟惡不忍聞罪不容誅誠臣子之仇

宗室之讎國家之賊天下之害也是故親屬震落而

告其罪民人潰畔而棄其兵進不跬步退伏其殃師古

師古曰舉足也音空樂反百歲之母孩提之子師古曰嬰兒始孩人所提

師古曰謂一

擊故曰孩提也孩者小兒笑也○宋祁曰景本作一百歲同時斷斬懸頭竿杪古師

音莫小反也珠珥在耳首飾猶存為計若此豈不諄哉

也師古曰詩惑臣聞古者畔逆之國既以誅討則豬其

宮室以為汙池納垢濁焉李奇曰掘其宮以為池用

汙音下也名曰凶虛師古曰虛讀曰墟墟故雖生菜茹

而人不食師古曰茹音人所食之菜四牆其社覆上棧下示

不得通師古曰棧謂以簣蔽之也下則棧之上則覆

辨社諸侯孟康曰辨布也布崇社國各作出門見

之著以為戒師古曰為戒也師古曰辨讀曰班出門見

衣手劍而叱之其先至者則拂其頸師古曰拂衝其

匈刃其軀切其肌後至者欲撥其門仆其牆師古曰

夷其屋焚其器宋祁曰刃其軀舊作剗其體鄧展

應聲滌地則時成創師古曰滌地猶言塗地則時而

前漢書卷九十九上列傳天中華書局聚

宗室尤甚言必切齒焉何則以其背畔恩義而不知

重德之所在也宗室所居或遠嘉幸得先聞不勝憤

憤之願願為宗室倡始師古曰倡音昌向反父子兄弟負籠倚

錘馳之南陽師古曰籠所以盛土也錘或作垂音丈涉反豬

崇宮室令如古制及崇社宜如亳社以賜諸侯用永

監戒願下四輔公卿大夫議以明好惡視四方師古曰視

讀曰示於是莽大說師古曰說讀曰悅公卿曰皆宜如嘉言莽

白太后下詔曰惟嘉父子兄弟雖與崇有屬不敢阿

私或見萌芽相率告之及其禍成同共讎之應合古

制忠孝著焉其以杜衍戶千封嘉為師禮侯嘉子七

人皆賜爵關內侯後又封竦為淑德侯長安為之語

曰欲求封過張伯松師古曰竦之字力戰鬪不如巧為奏莽

又封南陽吏民有功者百餘人汙池劉崇室宅後謀

反者皆汙池云羣臣復白劉崇等謀逆者以莽權輕

也宜尊重以填海內師古曰填音竹刃反五月甲辰太后詔莽

朝見太后稱假皇帝冬十月丙辰朔日有食之十二

月羣臣奏請益安漢公宮及家吏置率更令廟廢廚

長丞中庶子虎賁以下百餘人又置衛士三百人安

漢公廬為攝省府為攝殿第為攝宮奏可莽白太后

下詔曰故太師光雖前薨功效已列太保舜大司空

豐輕車將軍邨步兵將軍建皆為誘進單于籌策又

典靈臺明堂辟雍四郊定制度開子午道與宰衡同

心說德師古曰說音悅下同合意并力功德茂著封舜子匡為

同心侯林為說德侯光孫壽為合意侯豐孫匡為并

力侯益邨建各三千戶是歲西羌龐恬傅幡等師古曰幡

音敷元反其字從巾怨莽奪其地作西海郡反攻西海太守程

永永奔走莽誅永遣護羌校尉竇況擊之二年春竇

況等擊破西羌五月更造貨錯刀一直五千契刀一

直五百大錢一直五十與五銖錢並行民多盜鑄者

禁列侯以下不得挾黃金輸御府受直然卒不與直

九月東郡太守翟義都試勒車騎因發犇命立嚴鄉

侯劉信為天子師古曰東平移檄郡國言莽毒殺平

帝攝天子位欲絕漢室今共行天罰誅莽師古曰共

郡國疑惑眾十餘萬莽惶懼不能食晝夜抱孺子告

禱郊廟放大誥作策師古曰放依也大誥周書篇遣

諫大夫桓譚等班於天下諭以攝位當反政孺子之

意師古曰諭遣王邑孫建等八將軍擊義分屯諸關

守阨塞槐里男子趙明霍鴻等起兵以和翟義師古

臥音胡反相與謀曰諸將精兵悉東京師空可攻長安眾

稍多至且十萬人莽恐遣將軍王奇王級將兵拒之

以太保甄邯為大將軍受鉞高廟領天下兵左杖節

右把鉞屯城外王舜甄豐晝夜循行殿中師古曰行音下更反

十二月王邑等破翟義於圍司威陳崇使監軍師古曰為

使而監軍於外韋昭曰圍故屬淮陽後屬陳留呂靜曰圍音語上書言陛下奉天洪

範心合寶龜師古曰心與龜合也膺受元命豫知成敗咸應兆

占是謂配天配天之主慮則移氣言則動物施則成

化臣崇伏讀詔書下日竊計其時聖思始發而反虜

仍破師古曰思慮也詔文始書反虜大敗制書始下反虜畢

斬衆將未及齊其鋒芒臣崇未及盡其愚慮而事已

決矣莽大說師古曰悅三年春地震大赦天下王邑

等還京師西與王級等合擊明鴻皆破滅語在翟義

傳莽大置酒未央宮白虎殿勞賜將帥詔陳崇治校

軍功第其高下莽乃上奏曰明聖之世國多賢人故唐虞之時可比屋而封至功成事就則加賞焉至于夏后塗山之會執玉帛者萬國諸侯執玉附庸執帛周武王孟津之上尙有八百諸侯周公居攝郊祀后稷以配天宗祀文王於明堂以配上帝是以四海之內各以其職來祭蓋諸侯千八百矣禮記王制千七百餘國是以孔子著孝經曰不敢遺小國之臣而況於公侯伯子男乎故得萬國之歡心以事先王○宋祁曰上○宋祁曰此天子之孝也秦爲亡道殘滅諸侯以爲郡縣欲擅天下之利故二世而亡高皇帝受命除殘考功施賞建國數百後稍衰微其餘僅存太皇太后躬統大綱廣封功德以勸善興滅繼絕以永世是以大化流通日暮且成遭羌寇害西海郡反虜流言東

郡逆賊惑衆西土忠臣孝子莫不奮怒所征殄滅盡

備厥辜天下咸寧今制禮作樂○宋祁曰越本實考

周爵五等地四等有明文蘇林曰爵五等公一侯伯子

二等子男三等附庸四等殷爵三等有其說無其文師古曰公一

子男三等孔子曰周監於二代郁郁乎文哉吾從周師古曰論

語載孔子之言也監視也臣請諸將帥當受爵邑者

爵五等地四等奏可於是封者高為侯伯次為子男

當賜爵關內侯者更名曰附城凡數百人擊西海者

以羌為號槐里以武為號翟義以虜為號羣臣復奏

言太后脩功錄德遠者千載近者當世或以文封或

以武爵深淺大小靡不畢舉今攝皇帝背依踐阼宜

異於宰國之時制作雖未畢已師古曰已止也宜進二子爵

皆為公春秋善善及子孫賢者之後宜有土地成王

廣封周公庶子六人皆有茅土及漢家名相大將蕭
霍之屬咸及支庶兄子光可先封爲列侯諸孫制度
畢已大司徒大司空上名如前詔書太后詔曰進攝
皇帝子褒新侯安爲新舉公賞都侯臨爲褒新公封
光爲衍功侯是時莽還歸新都國羣臣復白以封莽
孫安爲新都侯莽旣滅翟義自謂威德日盛獲天人
助遂謀卽真之事矣九月莽母功顯君死意不在哀
令太后詔議其服少阿羲和劉歆與博士諸儒七十
八人皆曰居攝之義所以統立天功興崇帝道成就
法度安輯海內也師古曰輯字與集同昔殷成湯旣沒而太子
蚤夭其子太甲幼少不明伊尹放諸桐宮而居攝以
興殷道周武王旣沒周道未成成王幼少周公屏成
王而居攝以成周道師古曰屏猶擁也○劉敞曰子謂屏者卽荀子所言屏成王而

及武王屏是以殷有翼翼之化詩曰商邑翼翼殷武之

猶却也商邑禮俗翼然周有刑錯之功師曰商邑翼翼四方

之極言乃四方之中正也師曰商邑翼翼四方

可則傲不造造成委任安漢公宰尹羣僚衡平天下師曰商邑翼翼四方

空虛師曰商邑翼翼四方今太皇太后比遭家之不造師曰商邑翼翼四方

也故議者引之師曰商邑翼翼四方遭孺子幼少未能共上下師曰商邑翼翼四方

師古曰幸洽也尹正也師曰商邑翼翼四方則天明命詔安漢公居攝踐阼將以成聖漢之業與

上共讀曰恭皇天降瑞出丹石之符是以太皇太后師曰商邑翼翼四方

唐虞三代比隆也攝皇帝遂開祕府會羣儒制禮作師曰商邑翼翼四方

樂卒定庶官茂成天功師曰商邑翼翼四方聖心周悉卓爾獨見

發得周禮以明因監禮周監於二代則天稽古而師曰商邑翼翼四方

損益焉猶仲尼之聞韶師曰商邑翼翼四方則天稽古而師曰商邑翼翼四方

其視精其心正其行端師曰商邑翼翼四方則天稽古而師曰商邑翼翼四方

韶樂方作孔子至彼而及韶聞之師曰商邑翼翼四方則天稽古而師曰商邑翼翼四方

前 漢 書 卷九十九上 列傳 三 中華書局聚

者曰夫陵也猶不可踰也仲尼日月也無得而踰焉非聖

哲之至孰能若茲綱紀咸張成在一匱師古曰論語云孔子曰譬

如為也山未成一匱止吾止也譬如平地雖覆一匱進

有若為山雖於平地始覆一匱之土而作不止可以

得成故吾欲往觀之今此議者云莽脩行政化致於

太平本由一匱也○劉敞曰予謂此言莽制作已成

尚有一匱此其所以保佑聖漢安靖元元之效也今功

顯君薨禮庶子為後為其母總傳曰與尊者為體不

敢服其私親也攝皇帝以聖德承皇天之命受太后

之詔居攝踐阼奉漢大宗之後上有天地社稷之重

下有元元萬機之憂不得顧其私親故太皇太后建

厥元孫俾侯新都師古曰建立也元長也謂立為哀莽孫宗為新都侯也俾使也

侯後明攝皇帝與尊者為體承宗廟之祭奉共養太皇太后不得服其私親也周禮曰王為諸侯總纒弁

而加環經師古曰於弁上加環經也謂同姓則麻異

姓則葛攝皇帝當為功顯君總纓弁而加麻環經如

天子弔諸侯服以應聖制莽遂行焉凡壹弔再會而

令新都侯宗為主服喪三年云司威陳崇奏衍功侯

光私報執金吾竇況令殺之況為收繫致其法莽大

怒切責光光母曰女自眡孰與長孫中孫師古曰長

子字及獲衍也皆為莽所殺故云然中讀曰仲遂母子自殺及況皆死初莽

以事母養嫂撫兄子為名及後悖虐復以示公義焉

服虔曰不為光罪為公義○劉令光子嘉嗣爵為侯

莽下書曰過密之義訖于季冬張晏曰平帝以元始

再莽年也師古曰虞書放勳乃徂百姓如喪考妣三

載四海過密入音過止也密靜也謂不作樂也故莽

引之○劉奉世曰平帝崩至居攝之年十二月實三

十五年冬誤記於此年耳正月郊祀八音當奏王公

卿士樂凡幾等五聲八音條各云何其與所部儒生

各盡精思悉陳其義是歲廣饒侯劉京車騎將軍千

人扈雲大保屬臧鴻奏符命師古曰千人官名也屬車騎將軍扈其姓雲其

名京言齊郡新井雲言巴郡石牛鴻言扶風雍石莽

皆迎受十一月甲子莽上奏太后曰陛下至聖遭家

不造遇漢十二世三七之阨承天威命詔臣莽居攝

受孺子之託任天下之寄臣莽兢兢業業懼於不稱

師古曰兢兢慎也業業危也宗室廣饒侯劉京上書言七月中齊

郡臨淄縣昌興亭長辛當一暮數夢曰吾天公使也

天公使我告亭長曰攝皇帝當為真即不信我此亭

中當有新井亭長晨起視亭中誠有新井師古曰入誠實也

地且百尺十一月壬子直建冬至師古曰壬子之日冬至而

巴郡石牛戊午雍石文皆到于未央宮之前殿臣與

太保安陽侯舜等視天風起塵冥風止得銅符帛圖

於石前文曰天告帝符獻者封侯承天命用神令騎

都尉崔發等眡說師古曰眡古視字也及前孝哀皇

帝建平二年六月甲子下詔書更爲太初元將元年

案其本事甘忠可夏賀良讖書臧蘭臺師古曰蘭臺掌圖書籍之所

臣莽以爲元將元年者大將居攝改元之文也於今

信矣尚書康誥王若曰孟侯朕其弟小子封師古曰孟長也

隱公不言卽位攝也此二經周公孔子所定蓋爲後

法孔子曰畏天命畏大人畏聖人之言師古曰論語載孔子之言

也臣莽敢不承用臣請共事神祇宗廟奏言太

皇太后孝平皇后皆稱假皇帝師古曰恭共其號令天

下天下奏言事毋言攝以居攝三年爲初始元年漏

刻以百二十為度用應天命臣莽夙夜養育隆就孺

子師古曰隆長也成就之使其長大也○劉奉世曰此居攝二年冬也至此始請以居攝三年為初始

元年似是二年冬令與周之成王比德宣明太皇太

后威德於萬方期於富而教之孺子加元服復子明

辟如周公故事奏可衆庶知其奉符命指意羣臣博

議別奏以視即真之漸矣師古曰視期門郎張充等

六人謀共劫莽立楚王發覺誅死梓潼人哀章師古曰梓

潼廣漢之縣也潼音童學問長安素無行好為大言見莽居攝

即作銅匱為兩檢署其一曰天帝行璽金匱圖其一

署曰赤帝行璽某傳予黃帝金策書○宋祁曰越本邵本云赤帝璽

無一行字某者高皇帝名也書言王莽為真天子皇太后

如天命圖書皆書莽大臣八人又取令名王興王盛

章因自竄姓名師古曰竄謂闕著也凡為十一人皆署官爵為

輔佐章聞齊并石牛事下即日昏時衣黃衣持匱至

高廟以付僕射僕射以聞戊辰莽至高廟拜受金匱

神壇師古曰壇古禪字言有禪命使漢禪位於莽也御王冠謁太后還坐未

央宮前殿下書曰予以不德託于皇初祖考黃帝之

後皇始祖考虞帝之苗裔而太皇太后之末屬皇天

上帝隆顯大佑成命統序符契圖文金匱策書神明

詔告屬予以天下兆民師古曰屬委付也音之欲反赤帝漢氏高

皇帝之靈承天命傳國金策之書予甚祗畏敢不欽

受以戊辰直定師古曰於建除之次其日當定御王冠即真天子位

定有天下之號曰新其改正朔易服色變犧牲殊徽

幟異器制師古曰徽幟通謂旌旗之屬也幟音式志反以十二月朔癸酉

為建國元年正月之朔元○宋祁曰癸酉字下當有改二字劉敞曰莽改年為始

建國但云建國者誤也皆當有始字以鷄鳴為時服色配德上黃犧牲

應正用白使節之旄旛皆純黃其署曰新使五威節
以承皇天上帝威命也

前漢書卷九十九上

前漢書卷九十九上考證

王莽傳上家凡九侯五大司馬注師古曰外戚傳言

十侯此云九侯以鳳本嗣禁爲侯○臣召南按外

戚及元后傳言十侯自元后親屬計之并數定陵

侯淳于長也此專言王氏故云九侯

安後復徵召之○胡三省曰安定也安後猶言事定

後也

故事聘皇后黃金二萬斤○胡三省曰据杜佑通典

聘后黃金二萬斤呂后爲惠帝聘魯元公主女故

事也

遣大司徒司直陳崇等八人分行天下覽觀風俗○

恩澤侯表王憚閭遷李翕郝黨陳崇謝殷遠並陳

鳳是八人也

劉歆陳崇等十二人皆以治明堂宣教化封爲列侯

○按陳崇等八人以宣教化封劉歆平晏孔永孫

遷以治明堂封

時元帝世絕而宣帝曾孫有見王五人列侯廣戚侯

顯等四十八人○胡三省曰見在之王五人謂淮陽王續中山王成都楚王紆信都王景東平王開明也列侯四十八人謂廣戚侯顯陽興侯寄陵陽侯嘉高樂侯修平邑侯閔平纂侯況合昌侯輔伊鄉侯開就鄉侯不害膠鄉侯武宜鄉侯恢昌城侯豐樂安侯禹陶鄉侯恢釐鄉侯褒昌鄉侯且新鄉侯鯉邳鄉侯光新城侯武宜陵侯封堂鄉侯護成陵侯由成陽侯衆復昌侯休安陸侯平梧安侯譽朝鄉侯充扶鄉侯普方城侯宣當陽侯益廣城侯韋春城侯允呂鄉侯尚李鄉侯殷宛鄉侯隆壽泉侯承杏山侯遵嚴鄉侯信武平侯璜陵鄉侯會武安侯授富陽侯萌西陽侯偃桃鄉侯立栗鄉侯元成金鄉侯不害平通侯且西安侯漢湖鄉侯開重鄉侯少柏凡五十人而廣戚侯顯孺子之父栗鄉侯元成先已免侯止四十八人耳

當賜爵關內侯者更名曰附城○項安世曰漢人蓋以城字解庸也古人庸卽墉字後人加土以別之

不成國者謂之附城猶今言支郡爲屬城也

以居攝三年爲初始元年○通鑑考異曰莽傳作初
始荀紀及章莊美嘉號錄宋庠紀元通譜皆作始
初

前漢書卷九十九上考證

[Faint vertical text columns, likely bleed-through from the reverse side of the page]

前漢書卷九十九中

漢 蘭 臺 令 史班 固撰

唐正議大夫行秘書少監琅邪縣開國子顏師古注

王莽傳第六十九中

始建國元年正月朔莽帥公侯卿士奉皇太后璽轂

上太皇太后師古曰載謂順符命去漢號焉初莽妻

宜春侯王氏女立為皇后師古曰王詵為丞相初封

咸之本生四男字獲安臨二子前誅死安頗荒忽師古曰

曰荒音迺以臨為皇太子安為新嘉辟師古曰辟君

呼廣反取為國君音壁封字子六人千為功隆公壽為功明公吉

為功成公宗為功崇公世為功昭公利為功著公大

赦天下莽乃策命孺子曰咨爾嬰昔皇天右乃太祖

師古曰右讀歷世十二享國二百一十載歷數在于

前漢書卷九十九中 列傳 一中華書局聚

予躬詩不云乎侯服于周天命靡常師古曰大雅文王之詩也言殷

之後嗣乃為諸侯服事周室是天命無常也謂微子為宋公也封爾為定安公永為

新室賓於戲師古曰嗚呼敬天之休師古曰休美也往踐乃

位毋廢予命又曰其以平原安德潔陰鬲重丘凡戶

萬地方百里為定安公國師古曰五縣也潔音立漢

祖宗之廟於其國與周後並行其正朔服色世世以

事其祖宗永以命德茂功享歷代之祀焉以孝平皇

后為定安太后讀策畢莽親執孺子手流涕歔歎師古

曰歔音虛歎音許氣反曰昔周公攝位終得復子明辟今予獨

迫皇天威命不得如意哀嘆良久中傅將孺子下殿

北面而稱臣百僚陪位莫不感動又按金匱輔臣皆

封拜以太傅左輔驃騎將軍○宋祁曰驃字安陽侯

王舜為太師封安新公大司徒就德侯平晏為太傅

就新公少阿羲和京兆尹紅休侯劉歆爲國師嘉新

公廣漢梓潼哀章爲國將美新公是爲四輔位上公

太保後丞承陽侯甄邯爲大司馬承新公師古曰承陽音丞陽

○宋祁曰少阿晉灼音義作少隋阿訓隋取阿衡一字也音依倚之倚李奇音義紅休南本作林字承南

丞本作不進侯王尋爲大司徒章新公步兵將軍成都

侯王邑爲大司空隆新公是爲三公大阿右拂大司

空衛將軍廣陽侯甄豐爲更始將軍廣新公師古曰拂讀曰

飛京兆王興爲衛將軍奉新公輕車將軍成武侯孫

建爲立國將軍成新公京兆王盛爲前將軍崇新公

是爲四將凡十一公王興者故城門令史王盛者賣

餅莽案符命求得此姓名十餘人兩人容貌應卜相

徑從布衣登用以視神焉師古曰視讀曰示餘皆拜爲郎是

日封拜卿大夫侍中尚書官凡數百人諸劉爲郡守

皆徙為諫大夫改明光宮為定安館定安太后居之

以故大鴻臚府為定安公第○宋祁曰邵本添皆置門

衛使者監領敕阿乳母不得與語常在四壁中孟康曰

定安公居四壁中不得有所見至於長大不能名六畜後莽以女孫

宇子妻之莽策羣司曰歲星司肅東嶽太師典致時

雨應劭曰貌之不恭是謂不肅肅敬也厥罰常雨常

物生於東方青煒登平考景以晷淳曰青煒音暉如

也晉灼曰言青陽之氣始升而上以成萬物也春秋

熒惑司愆南嶽太傅典致時奧謂不愆愆智也厥罰

常燠燠暑也晉灼曰南方陽盛之位太傅師尊之稱

則君視明赤煒頌平考聲以律假也物假大乃宣平

也六月陰氣之始故考聲以律屬焉師古曰頌讀曰

容太白司艾西嶽國師典致時陽是謂不艾艾安也

厥罰常陽陽旱也師古曰艾讀曰又白煒象平考量以銓應劭曰量斗

也晉灼曰象形也萬物無不成形於辰星司謀北嶽西方大輕重皆可知故稱量屬焉

國將典致時寒厥罰常寒晉灼曰北伏也陽氣伏於

下陰主殺故戒國將玄煒和平考星以漏應劭曰推五星行度

起也萬物皆合藏於北方水又主平故曰和平歷度

星屬焉考月刑元股左司馬典致武應考方法矩張晏曰

天為刑司馬主武又典主司天文欽若昊天敬授民時天故使主威刑也

力來農事以豐年穀師古曰欽敬也若順也力日德來勸勉之也

元宏右司徒典致文瑞考圜合規張晏曰日為陽位

教在寬則和氣感物四靈見象故文瑞屬焉師古曰宏古肱字主司人道五教是輔

帥民承上宣美風俗五品乃訓師古曰五教謂父義

謂也五品即五常斗平元心中司空典致物圖考度以

繩張晏曰斗北斗也主齊七政司空主水土土為中

前漢書卷九十九中列傳三一中華書局聚

以其物也晉灼曰中央為四主司地里平治水土掌

季土土者信信者直故為繩名山川衆殖鳥獸蕃茂草木各策命以其職如典誥

之文置大司馬司允大司徒司直大司空司若位皆

孤卿師古曰允信也若順也更名大司農曰羲和後更為納言

大理曰作士太常曰秩宗大鴻臚曰典樂少府曰共

工師古曰共讀曰龔水衡都尉曰予虞與三公司卿凡九卿

分屬三公每一卿置大夫三人一大夫置元士三人

凡二十七大夫八十一元士分主中都官諸職○宋

或無官字更名光祿勳曰司中太僕曰太御衛尉曰太衛

執金吾曰奮武中尉曰軍正○劉敞曰中尉廢久此安得更名蓋是中壘校

尉脫兩字又置大贅官主乘輿服御物師古曰贅聚也言財物所聚也贅音

之銳反○劉奉世曰贅讀如虎賁綴衣之綴後又典兵秩位皆上卿號曰

六監改郡太守曰大尹都尉曰太尉縣令長曰宰御

史曰執法公車司馬曰王路四門長樂宮曰常樂室

未央宮曰壽成室前殿曰王路堂服虔曰如言路寢也長安曰

常安更名秩百石曰庶士三百石曰下士四百石曰

中士五百石曰命士六百石曰元士千石曰下大夫

比二千石曰中大夫二千石曰上大夫中二千石曰

卿車服黻冕各有差品師古曰此黻謂衣裳之黻又置司恭司徒

司明司聰司中大夫及誦詩工徹膳宰以司過○劉

徒改策曰予聞上聖欲昭厥德罔不慎脩厥身用綏

于遠是用建爾司于五事毋隱尤毋將虛師古曰尤

也虛謂虛美也言勿好惡不愆立于厥中師古曰於

戲勗哉師古曰於戲讀令王路設進善之旌非謗之

木欲諫之鼓師古曰非音誹諫大夫四人常坐王路門受言

事者封王氏齊縷之屬為侯大功為伯小功為子總

麻為男其女皆為任師古曰任充也男服也音壬男以睦女

以隆為號焉師古曰睦隆皆其受皆授印師古曰

之組文令諸侯立大夫人夫人世子亦受印師古曰

天無二日土無二王百王不易之道也漢氏諸侯或

稱王至于四夷亦如之違於古典繆於一統其定諸

侯王之號皆稱公及四夷僭號稱王者皆更為侯又

曰帝王之道相因而通盛德之祚百世享祀予惟黃

帝帝少昊帝顓頊帝嚳帝堯帝舜帝夏禹臯陶伊尹

咸有聖德假于皇天師古曰假至也音工雅反功烈巍巍光施

于遠宋祁曰施一本作化予甚嘉之營求其後將祚厥祀惟

王氏虞帝之後也出自帝嚳劉氏堯之後也出自顓

頊於是封姚恂為初睦侯奉黃帝後服虔曰姚舜姓

宋祁曰字書梁護為脩遠伯奉少昊後服虔曰益之以

恂信也音詢

後故皇孫功隆公千奉帝譽後劉歆為祁烈伯奉顓

封之項後國師劉歆子疊為伊休侯奉堯後師古曰上言

為國師嘉新公今此云劉歆為祁烈伯又言國師劉歆

散子為伊休侯是則祁烈伯自別一劉歆非國師也

休疑是紅休媯昌為始睦侯奉虞帝後山遵為襄謀

子奉臯陶後伊玄為襄衡子奉伊尹後漢後定安公

劉嬰位為賓周後衛公姬黨更封為章平公亦為賓

殷後宋公孔弘運轉次移更封為章昭侯位為恪師古

曰恪敬也言待之加敬亦如賓也周以舜後并祀宋為三恪也夏後遼西妣豐封為

章功侯亦為恪服虔曰夏姓四代古宗宗祀于明堂以配

皇始祖考虞帝周公後襄魯子姬就宣尼公後襄成

子孔鈞已前定焉莽又曰予前在攝時建郊宮定祧

廟立社稷師古曰遠祖曰祧音吐堯反劉奉世曰

後未當及此且已神祇報況師古曰賜也或光自上復于

下流為鳥音扶目反或黃氣熏烝昭耀章明以著黃

虞之烈焉師古曰烈餘業也自黃帝至于濟南伯王

而祖世氏姓有五矣師古曰濟南伯王莽之高祖黃帝二十五子

分賜厥姓十有二氏虞帝之先受姓曰姚其在陶唐

曰媯在周曰陳在齊曰田在濟南曰王子伏念皇初

祖考黃帝皇始祖考虞帝以宗祀于明堂○宋祁曰南本云皇

姓始祖考以當作己宜序於祖宗之親廟其立祖廟五親廟四

后夫人皆配食郊祀黃帝以配天黃后以配地孟康曰黃

帝也以新都侯東第為大禘歲時以祀師古曰禘祀也立此大祠

常以歲時祀其先也家之所尚種祀天下師古曰言國已立大禘

之家所尚者各令傳祀勿絕普天之下同其法○劉

奉世曰此謂莽家所尚之種祀示令天下傳以為種

祠不得此不奉祀亦猶姚媯陳田王氏凡五姓者皆黃

虞苗裔予之同族也書不云乎惇序九族師古曰虞書咎繇

之辭也其令天下上此五姓名籍于秩宗皆以為宗

室世世復無有所與師古曰復音方目反與讀曰預其元城王氏勿

令相嫁娶以別族理親焉師古曰元城王氏不得與四姓昏娶以其同祖也餘

它王氏則不焚焉封陳崇為統睦侯奉胡王後孟康曰追王陳胡公田

豐為世睦侯奉敬王後孟康曰追王陳敬仲天下牧守皆以前

有翟義趙明等領州郡懷忠孝封牧為男守為附城

又封舊恩戴崇金涉箕閔陽並等子皆為男遣騎都

尉囂等師古曰囂音許驕反分治黃帝園位於上都橋時師古曰橋

○山之上故曰橋時也劉敞曰都當作郡虞帝於零陵九疑胡王於淮陽

陳敬王於齊臨淄愍王於城陽莒服虔曰齊愍王伯王於濟

南東平陵孺王於魏郡元城師古曰莒之高祖名遂字伯紀曾祖名賀字翁

孺故謂之使者四時致祠其廟當作者以天下初定

且裕祭於明堂太廟以漢高廟為文祖廟師古曰欲法舜受終

於文莽曰予之皇始祖考虞帝受嬗于唐師古曰嬗古禪字

漢氏初祖唐帝世有傳國之象莽自古曰堯傳舜漢傳舜後故言有

傳國予復親受金策於漢高皇帝之靈惟思褒厚前

代何有忘時漢氏宗祖有七蘇林曰漢本祀祖宗有

為宗故有七以禮立廟于定安國其園寢廟在京師者勿

罷祠薦如故予以秋九月親入漢氏高元成平之廟

諸劉更屬籍京兆大尹勿解其復各終厥身師古曰復音方

反目州牧數存問勿令有侵冤又曰予前在大麓至于

攝假師古曰大麓者謂為大司馬宰衡時妄引舜納于大麓烈風雷雨不迷也攝假謂初為攝皇帝

又為假皇帝音山各反也深惟漢氏三七之阨赤德氣盡思索廣求師古

音山各反也所以輔劉延期之術靡所不用以故作

金刀之利幾以濟之師古曰幾讀曰冀然自孔子作春秋以

為後王法至于哀之十四而一代畢協之於今亦哀

之十四也張晏曰漢哀帝即位六年平赤世計盡終

不可強濟皇天明威黃德當興隆顯大命屬予以天

下音師古曰屬今百姓咸言皇天革漢而立新師古曰

廢劉而興王夫劉之為字卯金刀也正月剛卯金刀

之利皆不得行服虔曰剛卯以正月卯日作佩之長

用桃著革帶佩之今有玉在者銘其一面曰正月剛

卯金刀莽所鑄之錢也晉灼曰剛卯長一寸廣五分

四方當中央從穿作孔以采絲葺其底如冠纓頭鞋

刻其上黃匹色是當帝令祝融以教夔龍庶疫剛瘳

赤我敢當其一銘曰疾日嚴卯帝令夔化順爾固伏

化茲靈及既正既直既觚既方庶疫剛瘳莫我敢當

師古曰今往往有土中得玉剛卯者案大小及文服

說是有刀故禁剛卯及金刀也博謀卿士僉曰天

人同應昭然著明其去剛卯莫以為佩除刀錢勿以
為利承順天心快百姓意乃更作小錢徑六分重一
銖文曰小錢直一與前大錢五十者為二品並行欲

防民盜鑄乃禁不得挾銅炭是歲四月徐鄉侯劉快

結黨數千人起兵於其國師古曰快膠東恭王子也而王子侯表作快字從火

與此不同疑表誤○宋祁曰越本無是歲二字韋昭云徐鄉東萊縣也快兄殷故漢膠

東王時改爲扶崇公快舉兵攻卽墨殷閉城門自繫

獄吏民距快快敗走至長廣死葬曰昔予之祖濟南

愍王困於燕寇自齊臨淄出保于莒宗人田單廣設

奇謀獲殺燕將復定齊國今卽墨士大夫復同心殄

滅反虜予甚嘉其忠者憐其無辜其赦殷等非快之

妻子它親屬當坐者皆勿治弔問死傷賜亡者葬錢

人五萬殷知大命深疾惡快以故輒伏厥辜其滿殷

國戶萬地方百里又封符命臣十餘人葬曰古者設

廬井八家一夫一婦田百畝什一而稅則國給民富

而頌聲作師古曰此唐虞之道三代所遵行也秦爲給足也

無道厚賦稅以自供奉罷民力以極欲師古曰罷壞

聖制廢井田是以兼并起貪鄙生強者規田以千數

弱者曾無立錐之居又置奴婢之市與牛馬同蘭師古

曰蘭謂遮蘭之制於民臣顓斷其命姦虐之人因緣

為利至略賣人妻子逆天心諄人倫師古曰諄亂也

繆於天地之性人為貴之義師古曰孝經稱孔子曰

之性也書曰予則奴戮女師古曰夏書甘誓之辭也奴

為孛子也戮及妻子此說非也秦誓云唯不用命者

然後被此辜矣漢氏減輕田租三十而稅一常有更

賦罷癘咸出師古曰更音工衡而豪民侵陵分田劫

假厥名三十稅一實什稅五也師古曰解並父子夫

婦終年耕芸師古曰芸字與耘同所得不足以自存故富者犬

馬餘菽粟驕而為邪貧者不厭糟糠窮而為姦師古曰厭

也鮑師古曰錯置也音千故反予

前在大麓始令天下公田口井師古曰計口而為井田時則有

嘉禾之祥遭反虜逆賊且止今更名天下田曰王田

奴婢曰私屬皆不得賣買其男口不盈八而田過一

井者分餘田予九族鄰里鄉黨故無田今當受田者

如制度敢有非井田聖制無法惑眾者投諸四裔以

禦魑魅師古曰魑山神也魅老物精也魑音螭魅音媚如皇始祖考虞帝故

事是時百姓便安漢五銖錢以莽錢大小兩行難知

又數變改不信皆私以五銖錢市買訛言大錢當罷

莫肯挾莽患之復下書諸挾五銖錢言大錢當罷者

比非井田制投四裔於是農商失業食貨俱廢民人

至涕泣於市道及坐賣買田宅奴婢鑄錢自諸侯卿

大夫至于庶民抵罪者不可勝數秋遣五威將王奇

等十二人班符命四十二篇於天下德祥五事符命

二十五福應十二凡四十二篇其德祥言文宣之世

黃龍見于成紀新都高祖考王伯墓門梓柱生枝葉

之屬符命言井石金匱之屬福應言雌雞化為雄之

屬其文爾雅依託皆為作說師古曰爾雅近正也謂近於正經依古義而為

說之大歸言莽當代漢有天下云總而說之曰帝王受

命必有德祥之符瑞協成五命申以福應師古曰五命謂五行

無窮之祚故新室之興也德祥發於漢三七九世之

後蘇林曰二百一肇命於新都受瑞於黃支孟康曰

曰宋祁曰注文孟康開王於武功定命於子同孟康曰梓

所以保佑新室者深矣固矣武功丹石出於漢氏平

成命於巴宕晉灼曰巴郡申福於十二應天

前漢書卷九十九中列傳九一中華書局聚

帝末年火德銷盡土德當代皇天眷然去漢與新以

丹石始命於皇帝皇帝謙讓以攝居之未當天意故

其秋七月天重以三能文馬服虔曰三台星也晉灼曰許慎說文馬縞身金

精周成王時犬戎獻之師古曰能音合皇帝復謙讓未即位故三以鐵

契四以石龜五以虞符六以文圭七以玄印八以茂

陵石書九以玄龍石十以神井十一以大神石十二

以銅符帛圖申命之瑞瀆以顯著師古曰瀆漸也至于十二

以昭告新皇帝皇帝深惟上天之威不可不畏故去

攝號猶尚稱假改元為初始欲以承塞天命克厭上

帝之心師古曰塞當也厭滿也然非皇天所以鄭重降符命之

意師古曰鄭重猶言類也故是日天復決其所以勉書

孟康曰哀章所作策書也言數有瑞應莽自謙居攝

天復決其疑勸勉令為真也晉灼曰勉字當為龜是

說自復有龜書及天下金匱圖策事也師古曰孟又

侍郎王盱見人衣白布單衣赤纁方領師古曰纁者

布為單衣以赤加纁為其方領也盱音許于反纁音胡內反冠小冠立于王路殿

前謂盱曰今日天同色以天下人民屬皇帝師古曰

言五方天神共齊其謀同其顏色也字或作包包者言天總包括天下人眾而與莽也其義兩通屬委也

欲反盱恠之行十餘步人忽不見至丙寅暮漢氏高

廟有金匱圖策高帝承天命以國傳新皇帝明日宗

伯忠孝侯劉宏以聞乃召公卿議未決而大神石人

談曰趣新皇帝之高廟受命毋留師古曰趣於是新

皇帝立登車之漢氏高廟受命受命之日丁卯也丁

火漢氏之德也卯劉姓所以為字也明漢劉火德盡

而傳於新室也皇帝謙謙既備固讓十二符應迫著

命不可辭師古曰迫促也著明也懼然祇畏葦然閔漢氏之終

不可濟師古曰懼音瞿然自失之意也臺臺在左

右之不得從意

師古曰臺臺自勉之意左右助也言欲助漢室而追天命不得從其本意

也左右音也為之三夜不御寢三日不御食延問公侯

卿大夫僉曰宜奉如上天威命於是乃改元定號海

內更始新室既定神祇懽喜申以福應吉瑞累仍師古

仍申重也詩曰宜民宜人受祿于天保右命之自天

申之師古曰大雅假樂之詩也言有功德宜於衆人者則受天之福祿天乃保安而佑助之命以邦

國也申謂重其意也右讀曰佑此之謂也五威將奉符命齎印綬王

侯以下及吏官名更者師古曰外及匈奴西域徼外

蠻夷皆即授新室印綬因收故漢印綬賜吏爵人二

級民爵人一級女子百戶羊酒蠻夷幣帛各有差大

赦天下五威將乘乾文車鄭氏曰畫天象於車也駕坤六馬鄭

曰坤為牝馬六地數背負驚鳥之毛服飾甚偉師古曰驚鳥雉屬即鷩鷩也今

俗呼之山雞非也驚音鼈每一將各置左右前後中帥凡五帥衣

冠車服駕馬各如其方面色數師古曰赤也數者東方青

數三火數二之類也將持節稱太一之使帥持幢稱五帝之使

莽策命曰普天之下迄于四表師古曰迄亦至也靡所不至

其東出者至玄菟樂浪高句驪夫餘師古曰夫餘亦東北夷也樂音

洛浪音郎夫音扶南出者踰徼外歷益州師古曰踰同貶句町

王為侯西出者至西域盡改其王為侯北出者至匈

奴庭授單于印改漢印文去璽曰章單于欲求故印

陳饒椎破之語在匈奴傳單于大怒而句町西域後

卒以此皆畔饒還拜為大將軍封威德子冬靄師古曰靄

雷桐華置五威司命中城四關將軍司命司上公以

下中城主十二城門策命統睦侯陳崇曰咨爾崇夫

不用命者亂之原也大姦猾者賊之本也鑄偽金錢

者妨寶貨之道也驕奢踰制者兇害之端也漏泄省

中及尚書事者機事不密則害成也

師古曰易上繫之辭曰君不密

則失臣臣不密則失身機

拜爵王庭謝恩私門者祿

去公室政從亡矣凡此六條國之綱紀是用建爾作

司命柔亦不茹剛亦不吐不侮鰥寡不畏強圉

師古曰引

詩大雅美仲山甫之辭其義並解於上

帝命帥繇統睦于朝

師古曰帥循也繇讀

同與由

命說符侯崔發曰重門擊柝以待暴客

師古曰易下繫

之辭也擊柝謂擊木以守夜也暴客謂姦暴之人來為寇害者也柝音他各反○宋祁曰柝一作柝

作五威中城將軍

師古曰宋祁曰中或作關

中德既

成天下說符

師古曰悅

命明威侯王級曰繞雷之固南

常荆楚

服虔曰隘其道險之道師古曰謂之繞雷者言四

處即今商州界七盤十

女作五威前關將軍振武奮

衛明威于前命尉睦侯王嘉曰羊頭之隄北當燕趙

師古曰羊頭山名

女作五威後關將軍壺口捶扼尉

睦于後師古曰壺口亦山名也捶扼謂命堂威侯王

奇曰肴黽之險東當鄭衛師古曰肴肴山也黽音莫

善反女作五威左關將軍函谷批難掌威于左師古曰

閉之也函谷故關今在桃林縣界批音步結反○宋

名擊也批父迷反廣雅助曰批擊也釋命懷羗子王福曰汧

隴之阻西當戎狄師古曰汧扶風汧縣有吳山汧水

音苦堅反陘反女作五威右關將軍成固據守懷羗于右

又遣諫大夫五十人分鑄錢於郡國是歲長安狂女

子碧呼道中師古曰碧者女子名反曰高皇帝大怒趣

歸我國不者九月必殺汝師古曰促莽收捕殺之治

者掌寇大夫陳成自免去官師古曰狂妄之人職真

定劉都等謀舉兵發覺皆誅真定常山大雨雹師古

具音于反二年二月赦天下五威將帥七十二人還奏事

漢諸侯王為公者悉上璽綬為民無違命者封將為

子師為男初設六筦之令師古曰筦亦管字也管主也韋昭曰謂禁地面猶開

一路以專之如筦者命縣官酤酒賣鹽鐵器鑄錢諸采取名山

大澤眾物者稅之又令市官收賤賣貴賒貸子民收

息百月三息如淳曰出百錢與民用月收其義和置酒

士郡一人乘傳督酒利師古曰督察視之傳音張戀反禁民不得挾

弩鎧徙西海匈奴單于求故璽莽不與遂寇邊郡殺

略吏民十一月立國將軍建奏西域將欽上言師古曰但

也欽九月辛巳戊己校尉史陳良終帶共賊殺校尉刁

護師古曰刁並注改作刁劫略吏士自稱廢漢大將軍

亡入匈奴又今月癸酉不知何一男子遮臣建車前

自稱漢氏劉子輿成帝下妻子也師古曰下妻也劉氏

當復師古曰復音扶福反趣空宮師古曰促趣收繫男子即常安

姓武字仲皆逆天違命○宋祁曰男或作妻字一本無違字大逆無道

請論仲及陳良等親屬當坐者奏可漢氏高皇帝比

著戒云罷吏卒為賓食師古曰比類也言高帝類戒云勿使吏卒守漢廟欲為寄

食之賓於王氏廟中誠欲承天心全子孫也其宗廟不當在常

安城中及諸劉為諸侯者當與漢俱廢陛下至仁久

未定前故安眾侯劉崇徐卿侯劉快陵鄉侯劉曾師古

曰楚思王子扶恩侯劉貴等師古曰不更聚眾謀反曰更

音工衡反今狂狡之虜或妄自稱亡漢將軍或稱成帝子

子輿至犯夷滅連未止者此聖恩不蚤絕其萌牙故

也臣愚以為漢高皇帝為新室賓享食明堂成帝異

姓之兄弟平帝壻也皆不宜復入其廟元帝與皇太

后為體師古曰夫婦一體也聖恩所隆禮亦宜之臣請漢氏諸

廟在京師者皆罷諸劉為諸侯者以戶多少就五等

之差其為吏者皆罷待除於家師古曰罷黜其職各使退歸而言在家待

遷除上當天心稱高皇帝神靈師古曰稱音尺孕反塞狂狡之萌

莽曰可嘉新公國師以符命為予四輔明德侯劉龔

率禮侯劉嘉等凡三十二人皆知天命或獻天符或

貢昌言師古曰昌善也或捕告反虜厥功茂焉諸劉與三十

二人同宗共祖者勿罷賜姓曰王唯國師以女配莽

子故不賜姓改定安太后號曰黃皇室主絕之於漢

也冬十二月雷更名匈奴單于曰降奴服于莽曰降

奴服于知師古曰知者莽改單于之名也本名囊知牙斯威侮五行師古曰引夏書

甘誓背畔四條師古曰四條莽所與作制者事在匈奴傳侵犯西域延及

邊垂為元元害臯當夷滅命遣立國將軍孫建等凡

十二將十道並出共行皇天之威罰于知師古曰身師古

讀曰惟知先祖故呼韓邪單于稽侯柶師古曰柶音

反韋昭曰柵惡健犬也

累世忠孝保塞守徼不忍以一知之罪

滅稽侯柵之世今分匈奴國土人民以為十五立稽

侯柵子孫十五人為單于遣中郎將藺苞戴級馳之

塞下召拜當為單于者諸匈奴人當坐虜知之法者

皆赦除之遣五威將軍苗訢虎賁將軍王況出五原

厭難將軍陳欽震狄將軍王巡出雲中

師古曰厭音一涉反

振武將軍王嘉平狄將軍王萌出代郡相威將軍李參

鎮遠將軍李翁出西河

師古曰參音疏禁反字林曰參支條

也參麗

誅貉將軍陽俊討穢將軍嚴尤出漁陽奮武將

軍王駿定胡將軍王晏出張掖及偏裨以下百八十

人募天下囚徒丁男甲卒三十萬人轉眾郡委輸五

大夫衣裘兵器糧食長吏送自負海江淮至北邊使

者馳傳督趣以軍興法從事

師古曰傳音促○劉奉世曰五大

夫不可曉疑行天下騷動先至者屯邊郡須畢具乃同時出

莽以錢幣訖不行師古曰竟也復下書曰民以食為命以

貨為資是以入政以食為首寶貨皆重則小用不給

皆輕則僦載煩費師古曰僦送也一就反輕重大小各有

差品則用便而民樂於是造寶貨五品語在食貨志

百姓不從但行小大錢二品而已盜鑄錢者不可禁

迺重其法一家鑄錢五家坐之沒入為奴婢吏民出

入持布錢以副符傳師古曰舊法行者持符傳即不稽留今更令持布錢與符相副

乃得過也傳音張不持者廚傳勿舍關津苛留師古曰廚

行也之舍也荀問也音何公卿皆持以入宮殿門欲以重

而行之是時爭為符命封侯其不為者相戲曰獨無

天帝除書乎司命陳崇白莽曰此開姦臣作福之路

而亂天命宜絕其原莽亦厭之遂使尚書大夫趙並

反韋昭曰柵惡健犬也累世忠孝保塞守徼不忍以一知之罪

滅稽侯柵之世今分匈奴國土人民以為十五立稽

侯柵子孫十五人為單于遣中郎將藺苞戴級馳之

塞下召拜當為單于者諸匈奴人當坐虜知之法者

皆赦除之遣五威將軍苗訢虎賁將軍王況出五原

厭難將軍陳欽震狄將軍王巡出雲中師古曰厭音一涉反振

武將軍王嘉平狄將軍王萌出代郡相威將軍李夔

鎮遠將軍李翁出西河師古曰夔音疏禁反字林曰夔支條

也夔麗誅貉將軍陽俊討穢將軍嚴尤出漁陽奮武將

豐素剛強莽覺其不說師古曰悅說故徙大阿右拂大

司空豐託符命文為更始將軍師古曰拂與賣餅兒

王盛同列豐父子默默時子尋為侍中京北大尹茂

德侯即作符命言新室當分陝立二伯師古曰分陝者欲依周公

召公故事自陝以東周公主之自陝以西召公主之陝即今陝州是其地也伯長也陝音式冉反

豐為右伯太傅平晏為左伯如周召故事莽即從之

拜豐為右伯當述職西出未行尋復作符命言故漢

氏平帝后黃皇室主為尋之妻莽以詐立心疑大臣

怨謗欲震威以懼下因是發怒曰黃皇室主天下母

此何謂也收捕尋尋亡豐自殺尋隨方士入華山歲

餘捕得辭連國師公歆子侍中東通靈將五司大夫

○劉奉世曰東通靈將五司大夫亦疑其譌非史本文隆威侯棻棻弟右曹長

水校尉伐虜侯泳大司空弟左關將軍堂威侯奇

及歆門人侍中騎都尉丁隆等牽引公卿黨親列侯

以下死者數百人尋手理有天子字莽解其臂入視

之曰此一天子也○宋祁曰或曰一六子也六者戮

也明尋父子當戮死也迺流棻于幽州放尋于三危

殛隆于羽山

師古曰效舜之罰共工也殛誅也音居力反

皆驛車載其屍

傳致云莽為人侈口

蹙頞

師古曰蹙頞也

長七尺五寸好

露眼赤精大聲而嘶

師古曰嘶聲破也音先奚反

厚履高冠以鼈裝衣

厚履高冠以鼈裝衣

師古曰毛之強曲者曰鼈以裝衣也音先奚反

有用方技待詔黃門者

反字或作

繫音義同

反鷹高視瞰臨左右

師古曰瞰謂遠視也音曲濫反

是時

謂鳴目虎吻豺狼之聲者也故能食人亦當為人所

食問者告之莽誅滅待詔而封告者後常翳雲母屏

面

師古曰屏面即便面蓋扇之類也解在張敞傳

非親近莫得見也是歲以

初睦侯姚恂為寧始將軍三年莽曰百官改更職事

分移律令儀法未及悉定且因漢律令儀法以從事

令公卿大夫諸侯二千石舉吏民有德行通政事能

言語明文學者各一人詣王路四門

○宋祁曰路字下有門字遣

尚書大夫趙並使勞北邊還言五原北假膏壤殖穀

師古曰北假地名也膏壤言其土肥美也殖生也異時常置田官乃以並為

田禾將軍發戍卒屯田北假以助軍糧是時諸將在

邊須大衆集師古曰吏士放縱而內郡愁於徵發民

棄城郭流亡為盜賊并州平州尤甚莽令七公六卿

號皆兼稱將軍遣著武將軍遠並等填各都師古曰

填音竹刃反此下亦同中郎將繡衣執法各五十五人分填緣

邊大都督大姦猾擅弄兵者皆便為姦於外撓亂州

郡師古曰撓音火貨賂為市侵漁百姓莽下書曰虞

知罪當夷滅故遣猛將分十二部將同時出一舉而

決絕之矣內置司命軍正外設軍監十有二人誠欲

以司不奉命令軍人咸正也今則不然各為權執恐

獨良民師古曰獨以威力妄封人頸得錢者去如淳

臣妾以法枉良人爲僮僕封其
頸以別之也得顧錢乃去封

師古曰蠹音呼各反司監若此可謂稱不師古曰稱音尺孕反自今以來

敢犯此者輒捕繫以名聞然猶放縱自若而藺苞戴

級到塞下招誘單于弟咸咸子登入塞脅拜咸爲孝

單于賜黃金千斤錦繡甚多遣去將登至長安拜爲

順單于留邸太師王舜自莽篡位後病悸寢劇死師古

曰心動曰悸寢漸也悸音葵季反○宋祁曰悸舊作喘莽曰昔齊太公以淑德

累世爲周氏太師蓋予之所監也師古曰監謂視見也其以舜

子延襲父爵爲安新公延弟褒新侯匡爲太師將軍

永爲新室輔爲太子置師友各四人秩以大夫以故

大司徒馬宮爲師疑故少府宗伯鳳爲傅丞博士袁

聖爲阿輔京兆尹王嘉爲保拂師古曰拂讀曰弼是爲四師

故尚書令唐林爲胥附博士李充爲犇走師古曰犇古奔字

諫大夫趙襄為先後中郎將廉丹為禦侮是為四友
又置師友祭酒及侍中諫議六經祭酒各一人凡九
祭酒秩上卿琅邪左咸為講春秋潁川滿昌為講詩
長安國由為講易平陽唐昌為講書沛郡陳咸為講
禮崔發為講樂祭酒遣謁者持安車印綬即拜楚國
龔勝為太子師友祭酒勝不應徵不食而死寧始將
軍姚恂免侍中崇祿侯孔永為寧始將軍是歲池陽
縣有小人景長尺餘或乘車馬或步行操持萬物小
大各相稱師古曰車馬及物皆稱其人之形三日止瀕河郡蝗生師古

曰謂緣河南北諸郡瀕音頻又音賓河決魏郡泛清河以東數郡先是

莽恐河決為元城冢墓害及決東去元城不憂水故
遂不堤塞四年二月赦天下夏赤氣出東南竟天厭
難將軍陳歆言捕虜生口虜犯邊者皆孝單于咸子

角所為莽怒斬其子登于長安以視諸蠻夷師古曰視音日

示大司馬甄邯死寧始將軍孔永為大司馬侍中大

贅侯輔為寧始將軍莽每當出輒先搜索城中名曰

橫搜師古曰索音山各反橫音胡孟反是月橫搜五日莽至明堂授

諸侯茅土下書曰予以不德襲于聖祖為萬國主思

安黎元在于建侯分州正域以美風俗宋祁曰分字下當有九

字追監前代爰綱爰紀惟在堯典十有二州衛有五

服師古曰並詩國十五抃徧九州師古曰謂周南召

秦陳鄭曹幽魯商凡十五國也一曰周南召南邶鄘

衛王鄭齊魏唐秦陳鄭曹幽是為十五國抃音普胡

反○宋祁曰殷頌有奄有九有之言師古曰商頌玄

功德故能禹貢之九州無并幽周禮司馬則無徐梁

○宋祁曰淳化帝王相改各有云為或昭其事或大

其本厥義著明其務一矣昔周二后受命故有東都

西都之居予之受命蓋亦如之其以洛陽為新室東都常安為新室西都邦畿連體各有采任州從禹貢為九爵從周氏有五諸侯之員千有八百附城之數亦如之以俟有功諸公一國有眾萬戶土方百里侯伯一國眾戶五千土方七十里子男一則眾戶二千有五百土方五十里附城大者食邑九成眾戶九百

土方三十里自九以下降殺以兩師古曰兩兩而降也殺音所劍反

至於一成如淳曰十里為成五差備具合當一則今已受茅

土者公十四人侯九十三人伯二十一人子百七十

一人男四百九十七人凡七百九十六人附城千五

百一十一人九族之女為任者八十三人及漢氏女

孫中山承禮君遵德君脩義君更以為任十有一公

九卿十二大夫二十四元士定諸國邑采之處使侍

中講理大夫孔秉等與州部衆郡曉知地理圖籍者

共校治于壽成朱鳥堂予數與羣公祭酒上卿親聽

視咸已通矣夫褒德賞功所以顯仁賢也九族和睦

所以褒親親也予永惟匪解思稽前人師古曰解讀

將章黜陟以明好惡安元元焉以圖簿未定未授國

邑且令受奉都內月錢數千師古曰奉反諸侯皆困乏

至有庸作者中郎區博諫莽曰師古曰區姓井田雖

聖王法其廢久矣周道既衰而民不從秦知順民之

心可以獲大利也故滅廬井而置阡陌遂王諸夏訖

今海內未厭其敝今欲違民心追復千載絕迹師古曰復

音扶雖堯舜復起而無百年之漸弗能行也天下初

定萬民新附誠未可施行莽知民怨迺下書曰諸名

食王田皆得賣之勿拘以法犯私買賣庶人者且一

切勿治初五威將帥出改句町王以為侯王邯怨怒

不附師古曰邯句町王之名也音下甘反莽諷牂柯大尹周歆詐殺邯

邯弟承起兵攻殺歆先是莽發高句驪兵當伐胡不

欲行郡強迫之皆亡出塞因犯法為寇遼西大尹田

譚追擊之為所殺州郡歸咎於高句驪侯驩嚴尤奏

言貉人犯法不從驩起正有它心宜令州郡且尉安

之師古曰假令驩有惡心亦當且慰安今猥被以大罪恐其遂畔師古曰猥

多也厚也反夫餘之屬必有和者師古曰和應也音胡臥反匈

奴未克夫餘穢貉復起此大憂也莽不尉安穢貉遂

反詔尤擊之尤誘高句驪侯驩至而斬焉傳首長安

莽大說下書曰迺者命遣猛將共行天罰師古曰共讀曰恭

誅滅虜知分為十二部或斷其右臂或斬其左腋或

潰其胷腹或紬其兩脅師古曰紬音與抽同今年刑在東方張晏

曰是歲在壬申刑在東方誅貉之部先縱焉捕斬虜騶平定東域

虜知殄滅在于漏刻此乃天地羣神社稷宗廟佑助

之福公卿大夫士民同心將率虓虎之力也師古曰虓音火

反交予甚嘉之其更名高句驪為下句驪布告天下令

咸知焉於是貉人愈犯邊東北與西南夷皆亂云莽

志方盛以為四夷不足吞滅專念稽古之事復下書

曰伏念予之皇始祖考虞帝受終文祖在璿璣玉衡

以齊七政遂類于上帝禋于六宗望秩于山川徧于

羣神巡狩五嶽羣后四朝敷奏以言明試以功師古曰解

前並在予之受命即真至于建國五年已五載矣陽九

之阨既度百六之會已過歲在壽星填在明堂倉龍

癸酉德在中宮服虔曰倉龍太歲也張晏曰太歲起於甲寅為龍東方倉癸德在中宮也

晉灼曰壽星角亢也東宮倉龍房心也心為明堂填星所在其國昌莽自謂土也土行主填星癸德在中

宮宮又觀晉掌歲龜策告從孟康曰觀辰星進退掌主也晉灼曰國語晉文

公以卯出酉入過五鹿得土歲在壽星其日戊申莽欲法之以為吉祥正以二月建寅之節東巡狩者取

萬物生之始也視晉識太歲所其以此年二月建寅在宿度所合卜筮皆吉故法之

之節東巡狩具禮儀調度師古曰調音徒鈞反羣公奏請募吏

民人馬布綿又請內郡國十二買馬發帛四十五萬

匹輸常安前後毋相須師古曰須待也至者過半莽下書曰

文母太后體不安其且止待後是歲改十一公號以

新為心後又改心為信五年二月文母皇太后崩葬

渭陵與元帝合而溝絕之如淳曰葬於司馬門內作溝絕之立廟於

長安新室世世獻祭元帝配食坐於牀下莽為太后

服喪三年大司馬孔永乞骸骨賜安車駟馬以特進

就朝位同風侯遠並為大司馬是時長安民聞莽欲

都雒陽不肯繕治室宅師古曰繕補也或頗徹之莽曰玄龍

石文曰定帝德國雒陽符命著明敢不欽奉以始建

國八年歲纏星紀

孟康曰纏居也星紀在斗牽牛在

間師古曰纏踐歷也音直連反

雒陽之都其謹繕脩常安之都勿令壞敗敢有犯者
輒以名聞請其罪是歲烏孫大小昆彌遣使貢獻大
昆彌者中國外孫也其胡婦子爲小昆彌而烏孫歸
附之莽見匈奴諸邊並侵意欲得烏孫心迺遣使者
引小昆彌使置大昆彌使上保成師友祭酒滿昌劾
奏使者曰夷狄以中國有禮誼故詘而服從大昆彌
君也今序臣使於君使之上非所以有夷狄也奉使
大不敬莽怒免昌官西域諸國以莽積失恩信焉耆
先畔殺都護但欽十一月彗星出二十餘日不見是
歲以犯挾銅炭者多除其法明年改元曰天鳳天鳳
元年正月赦天下莽曰予以二月建寅之節行巡狩

之禮大官齋糝乾肉內者行張坐臥師古曰糝乾飯也張坐臥謂帷

帳茵席也糝音備○宋祁曰淳化所過毋得有所給

本無內字新本肉字下去內者行予之東巡必躬載耒每

縣則耕以勸東作師古曰耒耜曲木也音力對反予

之南巡必躬載耨每縣則孳以勸南僞師古曰耨鉏也孳耕去草

也耨音奴豆反孳音火予之西巡必躬載銓每縣則

穫以勸西成予之北巡必躬載拂每縣則粟以勸蓋

臧師古曰拂音佛所以擊治禾畢北巡狩之禮即于

土中居雒陽之都焉敢有趨謹犯法輒以軍法從事

劉德曰趨謹走呼也羣公奏言皇帝至孝往年文母聖體不豫

躬親供養衣冠稀解因遭弃羣臣悲哀顏色未復飲

食損少今一歲四巡道路萬里春秋尊非糝乾肉之

所能堪且無巡狩須闋大服以安聖體師古曰闋盡也音口決反

臣等盡力養牧兆民奉稱明詔師古曰莽曰羣公羣

牧羣司諸侯庶尹願盡力相帥養牧兆民欲以稱予

繇此敬德師古曰繇讀與由同其勗之哉毋食言焉更以天鳳

七年歲在大梁倉龍庚辰行巡狩之禮厥明年歲在

實沈倉龍辛巳即土之中雒陽之都迺遣太傅平晏

大司空王邑之雒陽營相宅兆圖起宗廟社稷郊兆

云三月壬申晦日有食之大赦天下策大司馬逮並

曰日食無光干戈不戢其上大司馬印韍就侯氏朝

位太傅平晏勿領尚書省事省侍中諸曹兼官者以利

苗男訢為大司馬如淳曰利苗邑名莽即真尤備大臣抑奪

下權朝臣有言其過失者輒拔擢孔仁趙博費興等

以敢擊大臣故見信任師古曰費音扶味反擇名官而居之公

卿入宮吏有常數太傅平晏從吏過例掖門僕射苛

問不遜師古曰僕射苛問戊曹士收繫僕射應劭曰

士行故使太傅置戊曹士士掾也蘇林曰士者曹掾屬公府諸曹次第之名也師古曰應說是○蕭該曰

戊子案春秋說曰士戊也五行書莽大怒使執法發

曰戊己屬土王莽自以土行音懋車騎數百圍太傅府捕士即時死大司空士夜過奉

常亭亭長苛之告以官名亭長醉曰寧有符傳耶師古

曰傳音張戀反士以馬箠擊亭長師古曰音止繫反亭長斬士亡

郡縣逐之家上書師古曰亭長莽曰亭長奉公勿逐

大司空邑斥士以謝劉攽曰前云斬士後云國將斥士則非斬也疑是斫字

哀章頗不清莽為選置和叔師古曰特敕曰非但保

國將閨門當保親屬在西州者諸公皆輕賤而章尤

甚四月隕霜殺山木師古曰山海瀕尤甚師古曰邊

瀕音頻又音賓六月黃霧四塞七月大風拔樹飛北闕直城

門屋瓦師古曰北闕直城門名也解在成紀直雨雹殺牛

羊莽以周官王制之文置卒正連率大尹職如太守
屬令屬長職如都尉置州牧部監二十五人見禮如
三公監位上大夫各主五郡公氏作牧侯氏卒正伯
氏連率子氏屬令男氏屬長皆世其官其無爵者為
尹分長安城旁六鄉置帥各一人分三輔為六尉郡

師古曰三輔黃圖云渭城安陵以西北至栒邑義渠

十縣屬京尉大夫居故長安寺高陵以北十縣屬

尉大夫居故長安寺高陵以西至武功

十縣屬扶尉大夫居城東南至藍田西至雲陽

大尉居城北尉大夫居城西長陵池陽以北至雲陽

六隊郡師古曰隊音遂○劉奉世曰河南當為滎陽

忠信卿置大夫職如太守屬正職如都尉更名河

南大尹曰保忠信卿益河南屬縣滿三十置六郊州
長各一人○劉奉世曰當人主五縣及宅官名悉改

大郡至分爲五郡縣以亭爲名者三百六十以應符

命文也緣邊又置竟尉以男爲之師古曰竟音曰境諸侯國

閒田爲黜陟增減云師古曰閒音閑以擬有功封賜有罪黜陟也莽下書

曰常安西都曰六鄉衆縣曰六尉義陽東都曰六州

○劉奉世曰衆縣曰六隊粟米之內曰內郡師古曰禹貢去

州當爲郊王城四百里納粟五百其外曰近郡有鄣徼者曰邊

郡合百二十有五郡九州之內縣二千二百有三公

作甸侯是爲惟城諸在侯服是爲惟寧在采任諸侯

是爲惟翰師古曰采服也在賓服是爲惟屏師古曰

古衛服也取諸侯賓服以爲名在揆文教奮武衛是爲惟垣在九州

之外是爲惟藩師古曰凡此惟城以下取詩大雅板之篇云价人惟藩大邦惟

屏大宗惟翰懷德惟寧宗子惟城各以其方爲稱總

以爲名號也解在諸侯王年表

爲萬國焉其後歲復變更一郡至五易名而還復其

故吏民不能紀每下詔書輒繫其故名曰制詔陳留

大尹太尉其以益歲以南付新平蘇林曰陳留匡縣莽改曰益歲新

平故淮陽以雍丘以東付陳定陳定故梁郡以封丘

以東付治亭治亭故東郡以陳留以西付祈隧祈隧

故滎陽劉奉世曰此祈隧即莽六隊之陳留已無

復有郡矣大尹太尉皆詣行在所其號令變易皆此

類也令天下小學戊子代甲子為六旬首冠以戊子

為元日師古曰冠音工喚反元善也昏以戊寅之旬為忌日師古曰昏

謂娶妻也百姓多不從者匈奴單于知死弟咸立為單于

求和親莽遣使者厚賂之詐許還其侍子登因購求

陳良終帶等單于即執良等付使者檻車詣長安莽

燔燒良等於城北令吏民會觀之緣邊大饑人相食

諫大夫如普行邊兵師古曰行音下更反還言軍士久屯塞苦

邊郡無以相贍今單于新和宜因是罷兵校尉韓威
進曰以新室之威而吞胡虜無異口中蚤蟲臣願得
勇敢之士五千人不齎斗糧饑食虜肉渴飲其血可
以橫行莽壯其言以威爲將軍然采普言徵還諸將
在邊者免陳欽等十八人又罷四關填都尉諸屯兵
會匈奴使還單于知侍子登前誅死發兵寇邊莽復
發軍屯於是邊民流入內郡爲人奴婢迺禁吏民敢
挾邊民者弃市益州蠻夷殺大尹程隆三邊盡反遣
平蠻將軍馮茂將兵擊之寧始將軍侯輔免講易祭
酒戴參爲寧始將軍二年二月置酒王路堂公卿大
夫皆佐酒師古曰大赦天下是時日中見星大司馬
苗訢左遷司命以延德侯陳茂爲大司馬訛言黃龍
墮死黃山宮中百姓犇走往觀者有萬數莽惡之

師古

曰莽自謂黃德故有此妖捕繫問語所從起不能得單于咸既和

親求其子登屍莽欲遣使送致恐咸怨恨害使者迺

收前言當誅侍子者故將軍陳欽以他辜繫獄欽曰

是欲以我為說於匈奴也師古曰說解說也託言以其前建議誅侍子今故殺

之遂自殺莽選儒生能頴對者師古曰頴與專同專對謂應對無方能專

其濟南王咸為大使五威將琅邪伏黯等為帥使送

登屍敕令掘單于知墓棘鞭其屍又令匈奴却塞於

漠北責單于馬萬匹牛三萬頭羊十萬頭及稍所略

邊民生口在者皆還之○劉歆曰稍所略非辭當云所鈔略傳寫誤爾莽好

為大言如此咸到單于庭陳莽威德責單于背畔之

辜應敵從橫單于不能詘遂致命而還之○劉奉世曰之字衍

入塞咸病死封其子為伯伏黯等皆為子莽意以為

制定則天下自平故銳思於地里制禮作樂講合六

經之說公卿旦入暮出議論連年不決不暇省獄訟

冤結民之急務縣宰缺者數年守兼師古曰不拜正官權令人守兼

一切貪殘日甚當○宋祁曰甚下中郎將繡衣執法在

郡國者並乘權執傅相舉奏○宋祁曰疑作傳又十一公士

分布勸農桑班時令案諸章冠蓋相望交錯道路召

會吏民逮捕證左郡縣賦斂遞相賂賂白黑紛然師古

曰白黑謂清濁也紛然守闕告訴者多莽自見前顯

權以得漢政故務自檻眾事師古曰檻與擊有司受

成苟免師古曰莽事專自決成熟乃諸寶物各帑藏

錢穀官皆宦者領之師古曰帑音他吏民上封事書

宦官左右開發尚書不得知其畏備臣下如此又好

變改制度政令煩多當奉行者輒質問乃以從事師古

曰質前後相乘憤耗不潔師古曰乘積也登也憤耗

工內反 昏莫報反 昏莽常御燈火至明猶不能勝尚書因是為

姦寢事上書待報者連年不得去拘繫郡縣者逢赦

而後出衛卒不交代三歲矣穀常貴邊兵二十餘萬

人仰衣食縣官愁苦師古曰仰音牛向反五原代郡尤被其毒

起為盜賊數千人為輩轉入旁郡莽遣捕盜將軍孔

仁將兵與郡縣合擊歲餘迺定邊郡亦略將盡師古曰言

其逃亡結為盜邯鄲以北大雨霧水出深者數丈劉

啟曰霧字疑非流殺數千人立國將軍孫建死司命趙閔為

立國將軍寧始將軍戴參歸故官南城將軍廉丹為

寧始將軍三年二月乙酉地震大雨雪師古曰雨關音于具反

東尤甚深者一丈竹柏或枯大司空王邑上書言視

事八年功業不效司空之職尤獨廢頓至迺有地震

之變願乞骸骨莽曰夫地有動有震震者有害動者

不害春秋記地震易繫坤動動靜辟脅萬物生焉師古

曰辟讀曰開開也脅收斂也易上繫之辭曰夫坤其動也闢其靜也翕是以廣生焉故莽引之也翕脅之

聲相近災異之變各有云為天地動威以戒予躬公

何辜焉而乞骸骨非所以助予者也使諸吏散騎司

祿大衛脩寧男遵諭予意焉五月莽下吏祿制度曰

予遭陽九之阨百六之會國用不足民人騷動自公

卿以下一月之祿十縷布二匹孟康曰縷八十縷也

韋昭曰四秉曰莒十莒曰縷十縷為禾四百秉也或帛一匹予每念之未嘗

不戚焉今阨會已度府帑雖未能充略頗稍給其以

六月朔庚寅始賦吏祿皆如制度四輔公卿大夫士

下至輿僚凡十五等僚祿一歲六十六斛稍以差增

上至四輔而為萬斛云莽又曰普天之下莫非王土

率土之濱莫非王臣師古曰莽引小雅北山之詩也蓋以天下養焉

周禮膳羞百有二十品令諸侯各食其同國則師古謂

公食同侯伯食國子男食則也辟任附城食其邑師古曰辟君也任

音壬也蕭該按爾雅曰辟公主也任宗公卿大夫元

士食其采師古曰謂因官職而食地也多少之差咸有條品歲豐

穰則充其禮師古曰穰音人掌反有災害則有所損與百姓同

憂喜也其用上計時通計天下幸無災害者太官膳

羞備其品矣即有災害以什率多少而損膳焉○宋

什下當有計字東嶽太師立國將軍保東方三州一部二十

五郡南嶽太傅前將軍保南方二州一部二十五郡

西嶽國師寧始將軍保西方一州二部二十五郡北

嶽國將衛將軍保北方二州一部二十五郡大司馬

保納卿言卿仕卿作卿京尉扶尉兆隊右隊中部左

洎前七部服虔曰大司馬保此官皆如郡守也晉灼曰左與前故特七部師古曰洎亦稟字也

泉及也隊音大司徒保樂卿典卿宗卿秩卿翼尉光

尉左隊前隊中部右部有五郡大司空保予卿虞卿

共卿工卿師尉列尉祈隊後隊中部洎後十郡師古

讀曰供劉敬曰此文誤但當云大司馬保納言卿

共工卿不合分爲兩也劉奉世曰其言七部亦當云

誤及六司六卿皆隨所屬之公保其災害曰劉奉世

司又已有六卿此當但云司卿即所謂三公司卿曰

亦以十率多少而損其祿郎從官中都官吏食祿都

內之委者以大官膳羞備損而爲節師古曰言諸侯

辟任附城羣吏亦各保其災害幾上下同心師古曰

冀勸進農業安元元焉莽之制度煩碎如此課計不

可理吏終不得祿各因官職爲姦受取賕賂以自共

給師古曰共是月戊辰長平館西岸崩邕涇水不流

毀而北行師古曰壅遣大司空王邑行視師古曰行

還奏狀羣臣上壽以為河圖所謂以土填水師古曰

同鎮匈奴滅亡之祥也乃遣并州牧宋弘遊擊都尉任

明等將兵擊匈奴至邊止屯七月辛酉霸城門災民

間所謂青門也師古曰三輔黃圖云長安城東出南

戊子晦日有食之大赦天下復令公卿大夫諸侯二

千石舉四行各一人師古曰依漢光祿之四科劉

舉語政事文學今復令大司馬陳茂以日食免武建伯

嚴尤為大司馬如淳曰莽之十月戊辰王路朱鳥門

鳴晝夜不絕崔發等曰虞帝闢四門通四聰師古曰

舜之德也闢四門明四聰故引之門鳴者明當脩先聖之禮招四

方之士也於是令羣臣皆賀所舉四行從朱鳥門入

而對策焉平蠻將軍馮茂擊句町士卒疾疫死者什

六七賦斂民財什取五益州虛耗而不克徵還下獄

死更遣寧始將軍廉丹與庸部牧史熊擊句町頗斬

首有勝莽徵丹熊丹熊願益調度必克乃還復大賦

斂就都大尹馮英不肯給上言自越舊遂久仇牛同

亭邪豆之屬反畔以來積且十年服虔曰遂久縣名也仇牛等越舊旁

夷郡縣距擊不已續用馮茂苟施一切之政變道以

南山險高深茂多毆衆遠居師古曰毆與驅同費以億計吏

士離毒氣死者什七師古曰離遭也今丹熊懼於自詭期會

師古曰詭責也調發諸郡兵穀復訾民取其十四師古

師古曰訾責也空破梁州功終不遂師古曰遂成也宜罷兵屯

田宋祁曰宜或明設購賞莽怒免英官後頗覺寤

曰英亦未可厚非復以英為長沙連率翟義黨王孫

慶捕得莽使太醫尚方與巧屠共剗剗之師古曰剗剗也音口

反胡量度五臧音師古曰度以竹筵導其脉知所終始云

可以治病盡攻療之道也○宋祁曰蕭該音義鄭氏

評筵音平訂之訂筵草也子案字書曰訂是歲遣大

使五威將王駿西域都護李崇將戊己校尉出西域

諸國皆郊迎貢獻焉諸國前殺都護但欽駿欲襲之

命佐帥何封戊己校尉郭欽別將後也將音子亮反

焉耆詐降伏兵擊駿等皆死欽封後到襲擊老弱從

車師還入塞莽拜欽為填外將軍音師古曰填封剽胡

子師古曰剽音子小反何封為集胡男西域自此絕

前漢書卷九十九中

南齊書卷六十八中

子孫... 車... 命... 諸... 國... 魏... 西... 出... 大... 大... 故...

前漢書卷九十九中考證

王莽傳中始建國元年○顧炎武曰荀悅漢紀記莽事自始建國元年以後則云其二年其三年以至其十五年以別於正統而盡沒其天鳳地皇之號中傳將孺子下殿○後書注引前書音義中傳宦者也

又置司恭司徒○臣召南按此司徒當作司從與聰明恭一詞舊本別本俱誤耳

惟王氏虞帝之後也出自帝嚳劉氏堯之後也出自顓頊○按謂舜出于嚳堯出于顓頊于是直誣古帝矣

遣五威將王奇等十二人班符命云云○臣召南按五威將十二人其將一人各有帥五人故下文云五威將帥七十二人還奏事也

并州平州尤甚○胡三省曰此時未有平州漢末公孫度自稱平州牧魏始分幽州置平州平字誤也

前漢書卷九十九中考證

正與然和十二人鼓奏事出

正與然和十二人鼓奏事出入各百餘五人鼓不文云

正與然和十二人鼓奏事出入各百餘五人鼓不文云

帝矣

謂王江東海文發連出自帝盛隆天象六發也出自

又置同來同裝○且各南或此同於書者

中書館子下類○發書也

其十五半男阿翁五海而書更其天事

事自發實圖可半也

正與然和十二人鼓奏事出入各百餘五人鼓不文云

正與然和十二人鼓奏事出入各百餘五人鼓不文云

正與然和十二人鼓奏事出入各百餘五人鼓不文云

正與然和十二人鼓奏事出入各百餘五人鼓不文云

正與然和十二人鼓奏事出入各百餘五人鼓不文云